

ს ა ქ ა რ თ ვ ე ლ ო ს

ილუსტრირებული ისტორია

ისტორია, რომელიც თაობებს აერთიანებს!

საქართველოს ისტორიის ეს ვიზუალური რეკონსტრუქცია მთავარ მოვლენებს, მნიშვნელოვან ფაქტებს, ოდესღაც რეალურად მომხდარ ამბავს ცალკეულ წიგნებად ყოფს და ერთ დიდ, მთავარ სერიად აერთიანებს. ეს წიგნები განკუთვნილია ყველა ასაკის მკითხველისთვის, ოჯახის ყველა წევრისთვის – უმცროსიდან უფროს თაობამდე... გაცნობიდან – გახსენებამდე...

ილუსტრირებული ისტორიის ეს ტომეული არის კონკრეტული ეპოქების მკვლევარ-ისტორიკოსების მოთხრობილი და ხელწერითა და სტილით ერთმანეთისგან სრულიად განსხვავებული მხატვრების მიერ ილუსტრირებული. გამოცემისთვის, დოკუმენტურ მასალაზე დაყრდნობით, შეიქმნა თითოეული ეპოქის საბრძოლო, საერო და საეკლესიო კოსტიუმები, რუკები და სხვ.

ყოველი აღწერილი ამბავი, ეპიზოდი, დეტალი, უნიკალური სამუზეუმო ექსპონატი, ფოტო და ფრესკა დოკუმენტურ სიზუსტეს სძენს წარმოდგენილ მასალას. სერიისთვის სპეციალურად შედგა სამუზეუმო ექსპონატთა ნუსხა, რომელიც მოგვანოდეს საქართველოს ეროვნული მუზეუმის, საქართველოს თეატრის, მუსიკის, კინოსა და ქორეოგრაფიის სახელმწიფო მუზეუმის, საქართველოს ეროვნული არქივის, საქართველოს პარლამენტის ეროვნული ბიბლიოთეკის, საქართველოს ხელნაწერთა ეროვნული ცენტრის არქივებიდან.

წიგნების ამ სერიის შესაქმნელად მეცნიერების, მხატვრების, ფილოლოგებისა თუ ტექნიკური პერსონალის დიდი გუნდი 3 წლის განმავლობაში დაუღალავად შრომობდა და შრომობს დღესაც...

ისტორია ქრონოლოგიური თანამიმდევრობით არ იქსოვება, ეს რთული ორნამენტია, ერთმანეთთან უხილავი ძაფით გადაბმული.

ამიტომაც აღნიშნული სერია მოიცავს განსხვავებულ თემებს, რომლებიც ერთმანეთს ებმის და ქმნის საქართველოს მათიანეს. თითოეული ტომი ამ მათიანის განსხვავებული ფურცელია, აქედან გამომდინარე, ყოველი ტომი ერთმანეთს ავსებს და ყოველი მათგანი თავისი უნიკალურობით არის მნიშვნელოვანი...

დაინახე შენი ისტორია



ჯრუჭის II ოთხთავი. XII ს.

პროექტის ხელმძღვანელი
ზაბა სამუშია

რედაქტორი
ლადო იოსებაძე

კონსულტანტი
ირინა არსენიშვილი
(ხელოვნებათმცოდნეობის დოქტორი, პროფესორი)

კორექტორები:
ნატალია ჩიმაკაძე, ცისანა ბურჯანაძე

პროექტის მენეჯერი
ნესტან მაღალაშვილი

მხატვარ-დიზაინერი
რამი თორდია

დიზაინერი
ლაშა გიორგაძე

ტექნიკური რედაქტორი
სოფიო ვაშაკიძე

დამკაბადონებული
თამარ ჭიჭუაშვილი

▶
იოანე ღვთისმეტყველი.
ჯვარცმის კომპოზიციის
დეტალი. 1186 წ.
ვარძიის ღვთისმშობლის
ტაძარი

© გამომცემლობა პალიტრა L, 2015
ყველა უფლება დაცულია

მისამართი: თბილისი, იოსებძის ქ. 49

☎ 238-38-71 ✉ book@palitra.ge 💻 www.palitra.ge

ISBN 978-9941-21-749-4 (ყველა ტომისთვის)
ISBN 978-9941-21-758-6 (ტომი 9)



ნინო ხუნდაძე

ქართული მხატვრობა



სარჩევი


5. შესავალი
6. ძალისის მოზაიკა
7. ადრექრისტიანული მხატვრობა
8. ტაძრების ინტერიერის გაფორმების სისტემა
9. ბიჭვინთის მოზაიკა
10. წრომის მოზაიკა
11. გარდამავალი ხანა
12. ფერწერული ხატებისა და მინიატიურების ადრეული ნიმუშები
13. დავითგარეჯის ფრესკები
16. X-XI საუკუნეების ქართული მხატვრობა
18. ატენის სიონი
19. გელათის მხატვრობა
20. გელათის ნარტექსის მოხატულობა
21. ტაო-კლარჯეთის მხატვრული სკოლა
22. დავითგარეჯის მხატვრული სკოლა
24. სვანეთის სკოლა
26. XI-XII საუკუნეების ფერწერული ხატები და მინიატიურები
28. XII საუკუნის მეორე ნახევრისა და XIII საუკუნის პირველი ნახევრის ქართული მხატვრობა
30. ბერტუბანი
31. XII საუკუნის მეორე ნახევრისა და XIII საუკუნის პირველი ნახევრის მინიატიურები და ფერწერული ხატები
33. გვიანი შუა საუკუნეების პალეოლოგოსური მხატვრობა
34. XIV-XV საუკუნეების მინიატიურები და ფერწერული ხატები
35. XVI-XVIII საუკუნეების მხატვრობა
36. XVI-XVIII საუკუნეების მინიატიურები და ფერწერული ხატები
37. ახალი ქართული მხატვრობა
38. XIX საუკუნისა და XX საუკუნის დასაწყისის ქართული მხატვრობა
39. ნიკო ფიროსმანი
40. XX საუკუნის პირველი ნახევრის მხატვრობა
44. XX საუკუნის მეორე ნახევრის ქართული მხატვრობა
46. სიტყვის კონა

ლალო გუდიაშვილი
პირიშისა. 1917 წ.
ტილო, ზეთი. 136X106

ელენე ახვლედიანი. პარიზი.
1926 წ. ტილო, ზეთი. 39X47



ნიკო ფიროსმანაშვილი. კახეთის
მათარებელი. მუშაობა, ზეთი. 70X140,3




დავით კაკაბაძე. ავტოპორტრეტი.
1913 წ. ტილო, ზეთი. 99X71



შესავალი

მხატვრობა სახვითი ხელოვნების უძველესი დარგია. პირველყოფილი ადამიანების გამოქვაბულის მოხატულობიდან დაწყებული, თანამედროვე მხატვრობის ნიმუშებს თუ დავაკვირდებით, შევნიშნავთ, როგორ ვითარდებოდა ხელოვნების ეს დარგი. საუკუნეების განმავლობაში მხატვრობის სხვადასხვა სახეობა ჩამოყალიბდა. მხატვრებმა უამრავი სახვითი ხერხი გამოიგონეს, რათა მათ გარშემო არსებული სამყარო ისე გამოეხატათ, როგორც ხედავდნენ და შეიგრძნობდნენ. საინტერესო ისტორია აქვს ქართულ მხატვრობასაც. მართალია, საქართველოში უძველესი ხანის ფრესკები ჯერ არ აღმოჩენილა, თუმცა პირველყოფილი ადამიანის მიერ კლდეზე ნაკანრი ნახატების (პეტროგლიფების) კვალს აქაც მიაგნეს. მრავალსაუკუნოვანი ისტორიის მანძილზე, აღმოსავლეთისა თუ დასავლეთის ქვეყნებთან ურთიერთობის საფუძველზე, ქართული ხელოვნება ძალზე საინტერესოდ ვითარდებოდა. ქართული მხატვრობის დღემდე შემორჩენილი უძველესი ნიმუშები გვიანანტიკურ ეპოქას განეკუთვნება (ახ. წ. III საუკუნე). ეს გამოსახულებები საკმაოდ დახვეწილი და ოსტატურია, რაც მოწმობს, რომ საქართველოში ამ დროისთვის პროფესიონალი მხატვრები მოღვაწეობდნენ და საკმაოდ მაღალი დონის ნიმუშებს ქმნიდნენ. ასე რომ, თამამად შეიძლება ითქვას – ქართული მხატვრობის ისტორია განვითარების, სულ მცირე, 18 საუკუნეს ითვლის და აქ შექმნილი ნიმუშები არა მარტო ქართული მხატვრობის ისტორიის შესწავლის, არამედ მთელი, განსაკუთრებით, ქრისტიანული, სამყაროს კულტურის თავისებურების განსაზღვრის მნიშვნელოვანი საშუალებაა.



ძალისის მოზაიკის ფრაგმენტი, დიონისესა და არიადნეს გამოსახულებით (III ს-ის დასაწყისი), ელინისტურ კულტურასთან სიახლოვეს ამჟღავნებს.

ძალისის ნაქალაქარი, II-III სს.

ძალისის მოზაიკის ფრაგმენტი



ძალისის მოზაიკა

მხატვრობის ჩვენამდე მოღწეული უძველესი ნიმუში III საუკუნის პირველ მეოთხედშია შესრულებული. ეს არის მცხეთიდან 20 კილომეტრში მდებარე ძალისის ნაქალაქარზე აღმოჩენილი მოზაიკა. მოზაიკა აბანოს იატაკსა და ე.წ. დიონისეს სახლს ამკობდა. კომპოზიციებზე რომაული მითოლოგიური პერსონაჟები, ზღვის სამყარო, ცხოველები და ფრინველები, ასევე, მცენარეული თუ გეომეტრიული ორნამენტებია გამოსახული. „დიონისეს სახლის“ მოზაიკა მევენახეობისა და მეღვინეობის უძველეს ქვეყანაში, საქართველოში, დიონისეს კულტის პოპულარობის დამადასტურებელია.

მოზაიკის შესრულების დახვეწილი მანერა და მისი მსგავსება ანტიოქიის მოზაიკის ნიმუშებთან გვაფიქრებინებს, რომ მისი შემქმნელი ან აქ მცხოვრები პროფესიონალი უცხოელი ოსტატი, ან ადგილობრივი მხატვარი იყო, რომელიც ხელობას ანტიოქიის სკოლაში დაუფლა.

ადრექრისტიანული მხატვრობა

ფეოდალური ურთიერთობების ჩასახვასთან ერთად, საქართველოში, IV საუკუნის პირველ ნახევარში, სახელმწიფო რელიგიად ქრისტიანობა გამოცხადდა. ამ ფაქტს, საქართველოს პოლიტიკური თუ კულტურული განვითარების თვალსაზრისით, უდიდესი მნიშვნელობა ჰქონდა. VII საუკუნის ბოლომდე საქართველოში მძიმე პოლიტიკური ვითარება სუფევდა: დასავლეთით – აგრესიულ რომსა და შემდეგ მის მემკვიდრე ბიზანტიასთან, ხოლო აღმოსავლეთით – სასანიანთა ირანთან ურთიერთობის თვალსაზრისით. მიუხედავად დაძაბული ვითარებისა, ქართული კულტურა საინტერესოდ ვითარდებოდა. V-VII საუკუნეები ქართული კულტურის პირველი აყვავების ხანაა, რაზეც არქიტექტურის, სახვითი ხელოვნებისა და მწერლობის ძეგლები მოწმობს.



კულტურული კავშირები

ქრისტიანული ხელოვნების განვითარებაში მნიშვნელოვანი როლი შეასრულა მჭიდრო კულტურულმა კავშირებმა ბიზანტიასა და ახლო აღმოსავლეთის ქრისტიანულ ქვეყნებთან – სირიასთან, პალესტინასა და კაბადოკიასთან. ეს კავშირები განსაკუთრებით მკვეთრად აისახა მოზაიკურ და კედლის მხატვრობის ნიმუშებში. თუმცა, საქართველოში უკვე ადრეულ შუა საუკუნეებში ჩამოყალიბდა ადგილობრივი მხატვრული ტრადიციები, რაც ქართული ხელოვნების მყარ საფუძველს წარმოადგენდა განვითარების მთელი ისტორიის მანძილზე.

იესო ქრისტე ძველი დღითაი. XIV ს. მხატვარი დამიანე. უბისის წმინდა გიორგის ეკლესია. კონქის მოხატულობის ფრაგმენტი



საბერეების №7 ეკლესია. ჯვარცმა. ჩრდილოეთი კედელი. კედელს მთლიანად ფარავს ჯვარცმის მრავალფეგურიანი კომპოზიცია. ქრისტე, როგორც საბერეების №5 ეკლესიის ჯვარცმაში, ტუნიკითაა გამოსახული. კაბადოკიაში შემორჩენილი მსგავსი კომპოზიციების შესაბამისად, ტუნიკა აქაც ლურჯი ფერისაა.

ჯვარცმა. სანაწილე ყუთი. VI ს. სირია

ქართული ხელოვნების პერიოდიზაცია

ქრისტიანობის ოფიციალურ რელიგიად გამოცხადების შემდეგ ქართულმა ხელოვნებამ განვითარების რამდენიმე პერიოდი განვლო:

1. IV-VII საუკუნეები – ადრექრისტიანული ხანა;
2. VIII-IX საუკუნეები – გარდამავალი ხანა;
3. X-XIII საუკუნის I ნახევარი – განვითარებული შუა საუკუნეები;
4. XIII საუკუნის II ნახევარი – XVIII საუკუნე – გვიანი შუა საუკუნეები.

ჯოჯოხეთის წარმოტყვევება. XIV ს. კახრიე ჯამი. სამხრეთი სამლოცველო. კონქის მოხატულობა





▼ გელათის მთავარი ტაძრის ინტერიერი. XI საუკუნიდან ტაძრების მთელი შიდა სივრცე სრულად იფარებოდა ფრესკებით.



ტაძრების ინტერიერის გაფორმების სისტემა

მონუმენტურ მხატვრობას (ფრესკა), რომელიც საქართველოში, ძირითადად, საეკლესიო არქიტექტურის შიდა სივრცეს ამკობდა, დეკორატიული ფუნქციის გარდა, შემეცნებითი მნიშვნელობაც ჰქონდა. ტაძრების კედლებზე არსებული გამოსახულებები, ერთგვარად „ხილული ბიბლიის“ მნიშვნელობას იძენდა და საზოგადოებისათვის ინფორმაციის მიწოდების ალტერნატიული, თვალსაჩინო ფორმა იყო. საინტერესოა ის ფაქტი, რომ სხვადასხვა დროს ეკლესიების გაფორმების განსხვავებული სისტემა არსებობდა.

▲ ატენის სიონის მოხატულობის პირველი ფენის სქემა. თავდაპირველად ტაძრების გუმბათში რელიეფურ ჯვარს წითელი კონტურული ნახატი (ხაზი) შემოსაზღვრავდა, აფსიდების კონქსა და თაღებში კი წითელი საღებავით შექმნილი გეომეტრიული ფორმები ჭადრაკისებურად იყო განლაგებული. კედლებზე განედლებულ ჯვრებს გამოსახავდნენ. ტაძრის ინტერიერის გაფორმების ძირითად სისტემას კედლებზე ქვის წყობის დეკორატიული ხასიათი განსაზღვრავდა. VIII–IX საუკუნეებში საკურთხევის კონქსა და გუმბათს ფრესკებით ამკობდნენ, რაც ორგანულად ეწყებოდა ერთიან დეკორატიულ სისტემაში.



▶ განედლებული ჯვარი. VIII ს. ატენის სიონი

▲ ▼ VII საუკუნის 20–იანი წლებიდან IX საუკუნის შუახანებამდე, ქრისტიანულ სამყაროში ხატმებრძოლობის ეპოქაა, როცა ხატების თავყვანისცემა იკრძალებოდა და დაუნდობლად ანადგურებდნენ მათ. ეს მოძრაობა საქართველოში, როგორც ჩანს, ანიკონური დეკორითა (მხოლოდ ცხოველებისა და ფრინველების გამოსახულებები, ასევე, ორნამენტი და წარწერები) და ჯვრებით ტაძრების გაფორმების სისტემაში გამოვლინდა. ამ პერიოდში შექმნილი ხატებიც სულ რამდენიმე ნიმუშითაა წარმოდგენილი, რაც ასევე ხატმებრძოლობასთან უნდა იყოს დაკავშირებული.



▲ ჯვარი. IX ს. არმაზის წმინდა გიორგის ეკლესია. კანკელის მოხატულობის ფრაგმენტი

ბიჭვინთის მოზაიკა

ქართული ქრისტიანული ხელოვნების ერთ-ერთი უძველესი ნიმუშია V–VI საუკუნეების ბიჭვინთის ბაზილიკური ტაძრის იატაკის მოზაიკა, სადაც დეკორატიულ-ორნამენტულ გამოსახულებებს შორის ჩართულია ცხოველების (შველი, ირემი) და ფრინველების (მტრედი) ფიგურები, მცენარეები და შადრევანი.

ახალი წელთაღრიცხვის II საუკუნიდან, ელინისტურ ეპოქაში, მაშინ, როდესაც წარმართული რომის იმპერიის ტერიტორიაზე ქრისტიანული ხელოვნების ნიმუშები ფარულად, კატაკომბებში იქმნებოდა, ამ გამოსახულებებს სიმბოლოების მნიშვნელობა ჰქონდა. მაგ. შადრევანი ქრისტიანულ სარწმუნოებას, ხოლო ფრინველები და ცხოველები, უმეტესად, ირემი და შველი, რომელიც ამ შადრევანს ეწაფებოდა, მორწმუნეებს განასახიერებდა. ასეთივე სიმბოლური გამოსახულებები გვხვდება ბიჭვინთის მოზაიკაშიც, რომელიც გამოცდილი და ნიჭიერი ოსტატის მიერ უნდა იყოს შესრულებული.

▶ შადრევანი წყლისა ცხოვლისა. V–VI სს. ეკლესიის საკურთხეველი. ბიჭვინთა




▲ აღსანიშნავია, რომ ბიჭვინთის მოზაიკა ელინისტური, აღმოსავლეთქრისტიანული და ადგილობრივი მხატვრული ტრადიციების შერწყმის საუკეთესო ნიმუშია, რაც რეალისტური, მოცულობითი ფორმების გამოსახვის მცდელობასა და მკვეთრ, მოქნილ კონტურულ ნახატში ვლინდება. კომპოზიციები პირობითი, სიბრტყობრივი ხასიათისაა, მით უფრო, რომ გამოსახულებები ხალიჩისებურადაა (სხვადასხვა მიმართულებით) განლაგებული სიბრტყეზე.

▶ შადრევანი წყლისა ცხოვლისა. V–VI სს. ტაძრის სანათლავის იატაკის მოზაიკა. ბიჭვინთა



წრომის მოზაიკა

მოზაიკის კიდევ ერთი საინტერესო ნიმუში VII საუკუნის ჯვარგუმბათოვანი ტაძრის, წრომის (მდებარეობს ქართლში), საკურთხეველის კონქს ამკობდა. მოზაიკა შემორჩენილი იყო მხოლოდ ფრაგმენტულად. ეს ფრაგმენტები 1932 წელს მოიხსნა კედლიდან და გადატანილ იქნა საქართველოს ეროვნულ მუზეუმში. აღსანიშნავია, რომ კედლის ბათქაშის ფენაზე შემორჩენილი მკვეთრი, ორ ფერში შესრულებული (შავი და წითელი სანგინა) კონტურული ნახატის მეშვეობით, კომპოზიციის სრულად აღდგენაა შესაძლებელი. აქ გამოსახული იყო ადრექრისტიანული ხელოვნებისათვის დამახასიათებელი კომპოზიცია „კანონის ბოძება“ – ცენტრში წარმოდგენილია იესო ქრისტე გახსნილი გრაგნილით ხელში და მის ორივე მხარეს – თითო მოციქული, სავარაუდოდ, პეტრე და პავლე; იესო ქრისტეს თავზე კი „გეტიმასია“ (საყდარი განმზადებული).



წრომის
მაცხოვრის ტაძრის
კონქის მოზაიკური
კომპოზიციის
სქემა

გრაგნილზე შემორჩენილ წარწერაზე იკითხება: „მე ვარ ნათელი, მე ვარ აღდგომა და სიცოცხლე. ის, ვისაც ჩემი სწამს თუ მოკვდება, გაცოცხლდება“. ეს არის იოანეს სახარების ამონარიდების თავისუფალი კომბინაცია.



აკანთის ფოთლის ორნამენტული მოტივი. VII ს. წრომის ამაღლების ეკლესია. კონქის კომპოზიციას ქვემოდან საკმაოდ ფართო და საინტერესო ფორმის მცენარეული ორნამენტი აჩარჩოებს.

წრომის მაცხოვრის ტაძრის კონქის კედელზე შემორჩენილი გრაფიკული ნახატი. VII ს. ამავე პერიოდში შექმნილი მსგავსი კომპოზიციები რომსა და რავენაშია შემორჩენილი, რომლებთან სიახლოვეს წრომის მოზაიკა არა მარტო იკონოგრაფიულად, არამედ ფიგურების პროპორციული, საკმაოდ რეალისტური ნახატიდან ამჟღავნებს. წრომის მოზაიკაში ხელოვნების ახალი ნიშნები იკვეთება – იესო ქრისტეს სადღესასწაულო, სტატიკური პოზა და ადრეული ხანის მსგავსი კომპოზიციებისთვის დამახასიათებელი თხრობითი ელემენტების (მაგ. მთის, მოციქულთა უკან პალმების, ზეციური იერუსალიმის გამოსახულება და ა. შ.) უარყოფა.



არმაზის წმინდა გიორგის სახელობის ტაძრის (864 წ.) კანკელის მოხატულობა – 3 წმინდა მეომრის თავის გამოსახულებით.

გარდამავალი ხანა

VII საუკუნის მეორე ნახევრიდან საქართველოში არაბები შემოიჭრნენ. VIII საუკუნის პირველ ნახევარში თბილისში არაბთა საამირო დაარსდა. საამირო აქ XII საუკუნის დასაწყისამდე არსებობდა, თუმცა ბოლო წლებში საკმაოდ დასუსტებული იყო. VIII-IX საუკუნეებში, მძლავრი ანტიარაბული მოძრაობის ფონზე, საქართველოში რამდენიმე ახალი ფეოდალური სამეფო-სამთავრო ჩამოყალიბდა: აფხაზთა სამეფო – ძველი კოლხეთის მიწაზე, ტაო-კლარჯეთის სამთავრო – სამხრეთ-დასავლეთ საქართველოში და კახეთი – აღმოსავლეთში. მეურნეობამ და ვაჭრობამ განვითარება დაიწყო, დაარსდა ახალი და გაიზარდა ძველი ქალაქები, აშენდა ციხეები და მონასტრები. საზოგადოებაში ეროვნული თვითშეგნება გაძლიერდა, რაც ხელოვნების ახალი ნიშნების ძიების პროცესშიც გამოიხატა – ქართული ხელოვნება თანდათან დასცილდა ძველ ტრადიციებს, გათავისუფლდა უცხო ქვეყნების კულტურული გავლენებისგან და, შედეგად, ახალი, შემოქმედებითად თავისუფალი ხელოვნება განვითარდა. VIII-IX საუკუნეები ქართულ არქიტექტურაში, ქანდაკებასა და მხატვრობაში ახალი მხატვრული ფორმის ძიების პერიოდია.



საკურთხეველის მოხატულობის დეტალი. ნესგუნის მაცხოვრის ეკლესია. IX-X სს. ნესგუნში (სვანეთი) ღვთისმშობლისა და ყრმის გამოსახულება მედალიონშია ჩაწერილი. შესრულების მანერა სიბრტყობრივი და ხაზოვანია, პროპორციები – დარღვეული, სახეები – არქაული, ტანსაცმლის ნაკევები – კუთხოვანი, კოლორიტი – მოყავისფრო-წითლის, ნაცრისფრისა და ოხრას ტონებში.



წმიდა ანდრია მოციქული. თელოვანის ჯვარპატიოსანი. დეტალი. VIII-IX სს. თელოვანის ეკლესიის საკურთხეველში შემორჩენილ ფრაგმენტზე ქრისტე მედალიონშია გამოსახული, მის ორივე მხარეს კი წმინდანთა ფიგურებია.

გარდამავალი ხანის მხატვრობის ზოგადი მახასიათებლები

კედლის მხატვრობა ელინისტური ტრადიციებისაგან (რეალისტური, მოცულობითი გამოსახულებები) სრულიად თავისუფლდება – გამოსახულება ხდება სიბრტყობრივი. ძირითადი სახვითი საშუალება ხაზია, რომელიც აღარ გამოირჩევა პლასტიკურობითა და მოქნილობით, არამედ უხეში და კუთხოვანია. ირღვევა ფიგურათა პროპორციები, მხატვრები ზრდიან ცალკეული დეტალების ზომებს, რითაც მძაფრი შინაგანი ემოციის (ექსპრესია) გამოსატყვის ცდილობენ და ყურადღებას, ძირითადად, ადამიანის სულიერ სამყაროზე ამახვილებენ. გამოსახულებათა ფორმები ხდება მარტივი, პრიმიტიული, რისი საფუძველიც, ხშირ შემთხვევაში, ხალხური ხელოვნებისათვის დამახასიათებელი ნიშნებია. მსგავსი გამოსახულებები გვხვდება, როგორც კედლის მხატვრობის, ასევე ხატუნის ნიმუშებზეც.



ფერწერული ხატებისა და მინიატიურების ადრეული ნიმუშები

ფერწერული ხატები მხატვრობის ერთ-ერთი საინტერესო დარგია, რომელმაც საქართველოში მნიშვნელოვანი განვითარება პოვა და, მინიატიურასა და კედლის მხატვრობასთან ერთად, ნათელ წარმოდგენას გვიქმნის საუკუნეების განმავლობაში ქართული მხატვრობის განვითარების თავისებურებაზე. ქრისტიანულმა რელიგიამ ქრისტიანული მსოფლმხედველობა ჩამოაყალიბა და, შესაბამისად, ხატწერის თავისებურებაც განსაზღვრა. სულიერი სამყაროს წვდომის, მასთან მიახლოების მიზნით, გამოსახულებებში თანდათან დაიკარგა რეალობის ილუზია, მოცულობისა და სივრცის შთაბეჭდილება სიბრტყობრივი, პირობითი გამოსახულებებითა და ერთი ფერის ფონით შეიცვალა.

ანჩისხატი. VI ს. ენკუსტიკა

ჯრუჭის I ოთხთავის (936-940 წელი) მხატვრული გაფორმება ადიშის სახარების შემდგომი ხანის მხატვრულ ძიებებს ასახავს. ყოველ სახარებას წინ უძღვის წყვილ-წყვილი მინიატიურა. მარცხენა გვერდზე გამოსახულია ფეხზე მდგომი მახარებელი, მარჯვენაზე კი ქრისტეს მიერ ავადმყოფთა – ეშმაკეულის, ბრმისა და განრღვეულის – განკურნების სცენებია მოცემული. პირველი სახარების ავტორის – მათეს – პორტრეტის გვერდით წარმოდგენილია ღვთისმშობელი ყრმით. ფიგურების პოზები მეტად მეტყველია და ცოცხალი. იესო ქრისტე აქ გამოსახულია ახალგაზრდა, წვერ-ულვაშის გარეშე. ეს მხატვრული თავისებურებები ადრექრისტიანული მხატვრობისთვისაა დამახასიათებელი, სადაც ჯერ კიდევ შენარჩუნებული იყო ელინისტური ხელოვნების ზოგიერთი ნიშანი.



ფერწერული ხატების ერთ-ერთი ყველაზე ადრეული ნიმუში წილკნის ღვთისმშობლის ხატია, რომელიც IX საუკუნეში, ენკუსტიკის ტექნიკაშია შესრულებული. ხატზე ღვთისმშობელია წარმოდგენილი მთავარანგელოზების გამოსახულებით ორივე მხარეს. ოსტატი მკვეთრი კონტურული ნახატი ქმნის ფიგურათა ფორმებს, განსაკუთრებულ ყურადღებას გადიდებული, ნუშისებური ფორმის თვალები და ღაწვებსა და შუბლზე, ასევე კისერზე დადებული ვარდისფერი ლაქები იპყრობს.



IX საუკუნიდან მინიატიურულ მხატვრობაში შემოგვრჩა ადიშის სახარების მეტად საინტერესო მინიატიურები. მუქცისფერ ფონზე ლუკა და იოანე მახარებლები არიან წარმოდგენილნი, დახურული წიგნებით ხელში. ფიგურები ცოცხალი და მეტყველია, რეალისტურად გამოსახული, შესრულების მანერა – ფაქიზი. ეს მინიატიურები, რეალისტური გამოსახულებებით, სიახლოვეს აშუღავნებს ელინისტურ ხელოვნებასთან.



დავითგარეჯის ფრესკები

დავითგარეჯის სამონასტრო კომპლექსში, IX საუკუნეში შესრულებული დოდოს რქის გამოქვაბულის ტაძრის მოხატულობა, უპირველეს ყოვლისა, შთამბეჭდავია თავისი ფერადოვნებით – მოლურჯო-მოცისფრო ფონი, მოყავისფრო-წითელი, თეთრი და ცისფერი.

საბერეები

IX-X საუკუნეებს მიეკუთვნება საბერეების ფრესკები დავითგარეჯის სამონასტრო კომპლექსში. საბერეების მონასტერი მთაში გამოკვეთილი 9 მცირე ზომის გუმბათიანი და უგუმბათო ეკლესიისგან შედგებოდა. მათგან ოთხი ეკლესია ნაწილობრივ შემკულია ფრესკებით, რომლებიც მხატვრობის სტილით ერთმანეთისგან საკმაოდ განსხვავდება.

საკურთხეველის მოხატულობის დეტალი. დაზიანებულ გამოსახულებათა შორის №5 ეკლესიის (IX ს.) საკურთხეველის კონქში „ქრისტეს დიდების“ კომპოზიცია იკითხება. შემორჩენილია ტახტზე მჯდომი მაცხოვარი მაკურთხებელი მარჯვნივ, მთავარანგელოზები უზარმაზარი გაშლილი ფრთებით, და თვლებით შემკული ქერებიმისა და სერაფიმის გამოსახულებები. მთლიანობაში კომპოზიციას სადღესასწაულო განწყობა და მონუმენტურობა ახასიათებს.

ქრისტეს დიდება. IX ს. დავითგარეჯი. დოდოს რქა. კონქის მოხატულობა. კომპოზიციის ცენტრში მარავანდდით შემოსაზღვრული ტახტზე მჯდომი ქრისტეს დიდი ზომის ფიგურაა, მაკურთხებელი მარჯვნივ და გადაშლილი წიგნით მეორე ხელში. მაცხოვრის ორივე მხარეს, მედალიონებში, მთვარისა და მზის ალევორიული გამოსახულებებია მოცემული. მაცხოვრის ქვემოთ მთავარანგელოზების ფიგურებია, ქრისტესა და მთავარანგელოზებს შორის კი ექვსფრთიანი ტეტრამორფები (ოთხი მახარებლის სიმბოლო) გამოხატა მხატვარმა. ქრისტეს სახე ოდნავ დაგრძელებულია, ნაკვთები დახვეწილი. ამ მოხატულობას პარალელები კაბადოკიის კედლის მხატვრობის ნიმუშებში მოეპოვება.



№5 ეკლესიის (IX ს.) სამხრეთ კედელზე ჯვარცმა გამოსახული, სადაც მაცხოვარი ტუნიკითაა შემოსილი, რაც ადრეული ქრისტიანული ნიმუშებისთვისაა დამახასიათებელი. ჯვარცმა გრაფიკულ მანერაშია შესრულებული (კონტურულ ნახატს, ანუ გამოსახულებების ფორმების აღმნიშვნელ ხაზს, დიდი მნიშვნელობა ენიჭება) – ფერები ლოკალური, კონტურული ნახატი კი საკმაოდ დახვეწილია, განსაკუთრებით დახრილი თავისა და ხელების გამოსახულებებში. შესრულების მსგავსი მანერა უშუალოდ ქართული მხატვრობისთვისაა დამახასიათებელი. №5 ეკლესიის მოხატულობა ნათელი და მკვეთრი ფერებით გამოირჩევა, კოლორიტში ღია წითელი და ყვითელი ჭარბობს, კონტურული ნახატი კი ძირითადად შავია.





საბერეების მოხატულობაში მზისა და მთვარის ალეგორიულ გამოსახულებებს რამდენიმე ადგილას ვხვდებით.



ქრისტეს დიდება. საკურთხეველის კონქის მოხატულობა. ამ ეკლესიის მოხატულობას რთული კომპოზიციური გადაწყვეტა, გრაფიკული ნახატი საშუალებით ოსტატურად დამუშავებულ ფიგურათა სახეები და ტანსაცმლის რთული ნაკვეთები, პროფესიულად შესრულებული ორნამენტები გამოარჩევს. ამავე დროს, ნათლად იკვეთება ხელების უხეში ფორმები და ფიგურების კუთხოვანი, არაპლასტიკური მოძრაობები.

საბერეების №7 ეკლესია

საბერეების №7 ეკლესიაში (X ს.) სრულიად განსხვავებული ხასიათის მხატვრობა შემოგვრჩა. საკურთხეველში „ქრისტეს დიდების“ კომპოზიციას, სადაც ტახტზე მჯდომი ქრისტე ოვალური ფორმის მანდორლაშია (შარავანდედი) გამოსახული, მის ორივე მხარეს კი, ერთმანეთის ქვეშ, წარმოდგენილია ორ-ორი ანგელოზის ფიგურა. ზედა ანგელოზების უკან ექვსფრთიანი ქერუბიმების ფრთებია, ხოლო თავებს ანგელოზების ნიშნები (შარავანდი) ფარავს. ნახატი გრაფიკული ხასიათისაა. განსაკუთრებით საინტერესოა გრაფიკული ნახატის საშუალებით დეტალურად დამუშავებული ანგელოზების, გამორჩეულად კი, მაცხოვრის სამოსის გამოსახულება.

საბერეების სამონასტრო კომპლექსი. საერთო ხედი



საბერეების №8 ეკლესია

საბერეების №8 ეკლესიის (X ს.) მხატვრობას გრაფიკული ხასიათი გამოარჩევს. ტანსაცმლის ნაკვეთი პარალელური ხაზების საშუალებითაა აღნიშნული. გამოსახულებებისათვის დამახასიათებელი უტრირებული ფორმები და დეკორატიულობა მათ უშუალობას სძენს. ამ მოხატულობებში ნათლად ჩანს ქართველ ოსტატთა შემოქმედებითი თავისუფლება, ეროვნული ტრადიციებისადმი ერთგულება და სახვითი ენის ორიგინალურობა. კოლორიტი აქაც მოლურჯო-მოცისფრო, მოყავისფრო-წითელ, თეთრ და ცისფერ ფერებშია გადაწყვეტილი.

ანგელოზის გამოსახულება. ფრაგმენტი. საბერეები. №8 ეკლესია. ასლი. ტატიანა შევიაკოვა



ხარება. დეტალი. საბერეები. №8 ეკლესია. საბერეების №8 ეკლესიაში შემოგვრჩა საინტერესო მხატვრობა, რომელიც ქართული მინანქრის ნიმუშებითაა შთაგონებული. ანგელოზის ფიგურა დამუშავებულია გეომეტრიული ფორმის ფირფიტისფერი ლაქებით, რომელიც გამოყოფილია მოყავისფრო-მოწითალო ფერის ლაქებისგან მკვეთრი კონტურული ნახატი. ადრეული ხანის მხატვრობისთვის დამახასიათებელი თავისებურებაა ანგელოზის სახის დამუშავების მანერა – წარბების მოხაზულობა უშუალოდ გადაღის ცხვირის მოხაზულობაში, რაც ხალხური ხელოვნების დამახასიათებელი ნიშანია.



X-XI საუკუნეების ქართული მხატვრობა


X-XI საუკუნეები საქართველოში კულტურისა და ხელოვნების განვითარების მნიშვნელოვანი ეტაპია. ეს არის განვითარებული ფეოდალიზმის ხანა. ეროვნული კულტურის წინსვლაზე მნიშვნელოვანი გავლენა მოახდინა ქვეყნის გაერთიანებისთვის ბრძოლამ, რომელიც XII საუკუნის დასაწყისში წარმატებით დასრულდა.



ხარება. მთავარანგელოზი
გაბრიელი. დეტალი.
XI ს. ატენის სიონი

ახალი მხატვრული ტენდენციები

უნდა აღინიშნოს, რომ X საუკუნის ბოლო და XI საუკუნის დასაწყისი საქართველოში შემოქმედებითი აღმავლობის ეპოქაა, რამაც XI-XIII საუკუნის პირველ ნახევარში უმაღლეს საფეხურს მიაღწია. ლიტერატურაში, არქიტექტურაში, ქანდაკებაში უმნიშვნელოვანესი საეტაპო ძეგლები შეიქმნა, განვითარდა ქართული მხატვრობაც. შეიქმნა კედლის მხატვრობის, მინიატიურებისა და ხატების საინტერესო ნიმუშები. ამ ეპოქაში, სირიასა და პალესტინასთან ერთად, საქართველოს მნიშვნელოვანი კულტურული ურთიერთობები ჰქონდა ბიზანტიასთანაც. თუმცა, ქართველი ოსტატები მკაცრად იცავენ ტაძრის გაფორმების ადგილობრივ ტრადიციებს – გუმბათში ჯვარს გამოსახვენ, საკურთხეველში – „ქრისტეს დიდებას“; მხოლოდ ღვთისმშობლის სახელობის ტაძრებში გამოსახვენ ღვთისმშობელს ყრმით. ჩნდება საუფლო „ათორმეტი დღესასწაულის“ სცენები, შეიმუშავეს ადგილობრივი წმინდანების ცხოვრების ამსახველი ორიგინალური მხატვრული ციკლი. საინტერესოა, რომ ქართველი მხატვრები, ტაძრების მოხატულობის გააზრებისას, უპირატესობას ანიჭებენ დიდი ზომის გამოსახულებებს, რაც განაპირობებდა სახარებისეული სიუჟეტების რაოდენობის შემცირებას.



მხატვრული

სკოლები საქართველოში

X-XI საუკუნეებში, მხატვრული თავისებურებების თვალსაზრისით, საქართველოში რამდენიმე განსხვავებული სტილის მხატვრული სკოლა ჩამოყალიბდა. სავსებით გასაგებია, რომ ქვეყანაში, რომელიც პოლიტიკურად გაერთიანებული არ იყო, ერთიანი მხატვრული სტილი ვერ შეიქმნებოდა. ამ სკოლების წარმომადგენელთა მიერ შექმნილი მოხატულობები ერთმანეთისგან საკმაოდ განსხვავდება, მით უფრო, რომ თითოეულ მხატვრულ სკოლას განსხვავებული ტრადიციები ჰქონდა.

დედაქალაქის სკოლა

ამ ეპოქაში შექმნილ სკოლებს შორის ერთ-ერთი ყველაზე მნიშვნელოვანია დედაქალაქის მხატვრული სკოლა. მხატვრობა, რომელიც ამ სკოლას განეკუთვნება, ფერწერული მანერის მრავალფეროვნებით, მდიდარი კოლორით (ლურჯის ნაირგვარი ტონები, წითელი, ლილისფერი), მონუმენტურობით, ანატომიის ცოდნის საფუძველზე აგებული პროპორციული ფიგურებით, დახვეწილი სახის ნაკვეთებითა და პორტრეტული, ინდივიდუალური ნიშნებით აღბეჭდილი გამოსახულებებით ხასიათდება. ამ ტიპის ძეგლებს შორის ატენის სიონის ღვთისმშობლის მიძინების სახელობის ეკლესიის მოხატულობა (XI საუკუნე), გელათის ტაძრის მოზაიკა და გელათის ნარტექსის (XII საუკუნე) მოხატულობა შეიძლება გამოვარჩიოთ. კომპოზიციები თანდათან თავისუფალი და დინამიკური ხდება, ნახატი – დახვეწილი და პროპორციული; ფორმები ანატომიის ცოდნის საფუძველზეა აგებული, მოძრაობა – ბუნებრივი.



იოსების სიზმარი.
XI ს. ატენის სიონი



ატენის სიონი

ატენის სიონის მხატვრობა XI საუკუნეში შექმნილი ერთ-ერთი ყველაზე მნიშვნელოვანი და საეტაპო ძეგლია, რომელიც უპირველესად საინტერესოა იმით, რომ აქ მხატვარმა ტაძრის ინტერიერი, წინასწარ შემუშავებული იკონოგრაფიული სქემის მიხედვით, უკვე სრულად დაფარა ფრესკებით. ატენის სიონის მოხატულობა საინტერესოა ასევე ფრესკების შესრულების მხატვრული ოსტატობითა და მოხატულობის განაწილების თავისებურებით. მხატვარმა VII საუკუნეში აგებული ტაძრის ინტერიერს XI საუკუნეში ორგანულად მოარგო ფრესკული მხატვრობა. ტაძრის ოთხივე მკლავის (ტაძარს გეგმაში ჯვრის ფორმა აქვს და, ჯვრის ნაწილების შესაბამისად, ოთხი მკლავი – აღმოსავლეთი, დასავლეთი, სამხრეთი და ჩრდილოეთი) მოხატულობა დამოუკიდებლად აღიქმება. ჩრდილოეთით იესო ქრისტეს, სამხრეთით კი ღვთისმშობლის ცხოვრების სცენებია წარმოდგენილი. დასავლეთით, ზედა ნაწილში, განკითხვის დღე, მის ქვემოთ კი წინასწარმეტყველთა და ისტორიულ პირთა პორტრეტებია. აღმოსავლეთით, საკურთხეველის კონქში, ნიკოპეის ტიპის ღვთისმშობელია ყრმითა და მთავარანგელოზებით ორივე მხარეს; მათ ქვემოთ მოციქულთა გამოსახულებების მწკრივია, ხოლო სულ ქვედა მწკრივში წმინდა მამები გამოსახა მხატვარმა.

ატენის სიონის დასავლეთი მკლავი. ფრაგმენტი. ცალკეული მწკრივი (რეგისტრი) ერთმანეთისგან ფართო, ჰორიზონტალურად გაშლილი ორნამენტული ნახატითაა გამოყოფილი. სცენების ამგვარი განლაგება მოხატულობას მკაფიო და ნათელ ხასიათს ანიჭებს. რაც შეეხება ერთ მწკრივში განლაგებულ ცალკეულ სცენებს, ისინი ერთმანეთისგან არქიტექტურული ნაგებობის ან რომელიმე პერსონაჟის ფერწერული გამოსახულების საშუალებითაა გამიჯნული და ისეთი შთაბეჭდილება იქმნება, თითქოს სცენები გაშლილ გრაფიკულად გამოსახული, მით უფრო, რომ კომპოზიციები კედლის თეთრ ფონზე შესრულებული.

ეპოქის მხატვრული ნიშნები

- ატენის სიონის მხატვრობისათვის, ისევე, როგორც ზოგადად ამ პერიოდის მხატვრობის ნიმუშებისთვის, დამახასიათებელია:
1. მოხატულობის მონუმენტალიზმი და სადღესასწაულო ხასიათი;
 2. ფიგურების მნიშვნელობის ხაზგასმა;
 3. არქიტექტურული და პეიზაჟის ელემენტების მარტივი, ლაკონური ფორმები;
 4. ანატომიის ცოდნის საფუძველზე შექმნილი პროპორციული, პლასტიკური ფიგურები;
 5. ენერგიული, პლასტიკური ნახატი;
 6. სახის მოოქროსფრო ტონზე მკაფიოდ იკითხება გამოთეთრების (ჩრდილის აღმნიშვნელი თეთრი ლაქა) ლაქები, რომელიც განლაგებულია თვალის კუთხეებში, ცხვირის გასწვრივ, სიგრძეზე და ნესტოების გვერდით, რაც გამოსახულებისათვის მოცულობის მინიჭების მხატვრული ხერხია;
 7. სახეების რეალისტური, მეტყველი, ინდივიდუალიზმით აღსავსე პორტრეტული გამოსახულებები.



იაკობის გამოსახულება. მარიამისა და ელისაბედის შეხვედრა. ატენის სიონის მოხატულობაში განსაკუთრებით მეტყველი და შთაბეჭდავია სცენები: „იოსების სიზმარი“, „მარიამისა და ელისაბედის შეხვედრა“, მთავარანგელოზ გაბრიელის ფიგურა კომპოზიციიდან „ხარება“; აგრეთვე, ცალკეულ წმინდანთა და ისტორიულ პირთა პორტრეტები.



გელათის მხატვრობა

XII საუკუნეში საქართველო ერთიანი, ძლიერი სახელმწიფო იყო. დავით აღმაშენებლის მიერ საქართველოს გაერთიანებამ ხელი შეუწყო კულტურისა და ხელოვნების განვითარებას. სწორედ ამ დროს ქუთაისის ახლოს შეიქმნა გელათის სამონასტრო ანსამბლი, სადაც, გარდა მონასტრისა, საგანმანათლებლო ცენტრი – სასულიერო აკადემია – არსებობდა.

მიქაელ მთავარანგელოზი. ფრაგმენტი. XII ს. საკურთხეველის აფსიდის მოზაიკა



ღვთისმშობელი ყრმით. ფრაგმენტი. XII ს. საკურთხეველის აფსიდის მოზაიკა



გელათის სამონასტრო კომპლექსის მთავარი ტაძარი ღვთისმშობლის სახელობისაა. ტაძრის საკურთხეველის კონქს მოზაიკა (1125-1130 წწ.) ამკობს, რომელიც ამ დარგის კლასიკური ნიმუშია. სადღესასწაულო ხასიათის კომპოზიციის ღვთისმშობელს წარმოგიდგენს, რომელსაც მკერდთან ყრმა იესო უჭირავს. ღვთისმშობლის ორივე მხარეს მთავარანგელოზების – მიქაელისა და გაბრიელის – გამოსახულებაა. მოზაიკის ავტორი კარგად განსწავლული და საკუთარი საქმის ჭეშმარიტი პროფესიონალია. ოქროსფერ ფონზე ოსტატი დიდი ზომის, მდიდრულად შემოსილ ფიგურებს წარმოგიდგენს, რაც დახვეწილ, სიმსუბუქით გამორჩეულ გამოსახულებას დიდებულებას და სადღესასწაულო ხასიათს სძენს. როგორც ჩანს, ამ მოზაიკის შემქმნელი მხატვარი კარგად იცნობდა ბიზანტიურ მხატვრობას და ასეთივე ტიპის ბიზანტიურ გამოსახულებებს იყენებდა ნიმუშად, რაც, უმთავრესად, ერთმანეთთან ოსტატურად შერწყმული ფერადი ჩრდილების გამოყენებაში გამოიხატება. თუმცა, ისევე, როგორც ზოგადად ქართული მხატვრობისთვის, მთავარი სახვითი საშუალება აქაც ხაზია – მკვეთრი კონტურული ნახატი. ღვთისმშობლის ამგვარ გამოსახულებას „ნიკოპეა“, ანუ „გამარჯვების მბოძებელი“ ეწოდება. საქართველოში ღვთისმშობლის მსგავსი გამოსახულება ატენის სიონისა და იფრარის კედლის მხატვრობაში გვხვდება (ორივე XI საუკუნეშია შესრულებული).



▲ ეფესოს III საეკლესიო კრება. XII ს. გელათის მონასტერი. ღვთისმშობლის შობის ტაძარი. ნარტექსის მოხატულობა. ნარტექსის მოხატულობა მონუმენტური დახვეწილი ფიგურებითა და მეტყველი სახეებით ერთგვარ სიახლოვეს ამულავნებს ატენის სიონის მხატვრობასთან. თუმცა, ატენის სიონის მხატვრობასთან შედარებით, ნახატი გაცილებით მოქნილი გახდა. ადამიანთა ყოველი ცალკეული ჯგუფი შეკრულია და მკაფიოდ გამოიყოფა სხვა ჯგუფებისაგან. მოხატულობა შესრულებულია ღია ცივ ტონებში. აქ დომინირებს ცისფერი, ღია მწვანე, მოყავისფრო-წითელი.

► ჯვრის ამალღება. დეტალი. XI ს. მანგლისის ღვთისმშობლის საკათედრო ტაძარი

▼ წმინდა მამების რიგი. XI საუკუნის დასაწყისი. ხახული. საკურთხევის აფსიდი



გელათის ნარტექსის მოხატულობა

XII საუკუნეს მიეკუთვნება გელათის მთავარი ტაძრის, ნარტექსის, მოხატულობაც. ეს ფრესკები ერთდროულად საინტერესოა ამ დროისთვის და დედაქალაქის სკოლისთვის დამახასიათებელი მხატვრული თავისებურებებით, ასევე, ისტორიული სინამდვილის ასახვის თვალსაზრისით: აქ წარმოდგენილია 7 მსოფლიო საეკლესიო კრება, რომელიც მონოფიზიტებსა და დიოფიზიტებს შორის განხეთქილების თაობაზე გაიმართა სხვადასხვა დროს. ამ ბრძოლაში აქტიურად იყო ჩართული საქართველოც. ორი ასეთი კრება 1103 და 1124-1125 წლებში გელათის აკადემიაში შედგა დავით აღმაშენებლის უშუალო მეთაურობით.



▲ ჯვრის ამალღება. XI საუკუნის დასაწყისი. იშხანი. გუმბათის სფერო

ტაო-კლარჯეთის მხატვრული სკოლა

ტაო-კლარჯეთის სკოლა (X-XI საუკუნეები) ერთ-ერთი ყველაზე მნიშვნელოვანია საქართველოში განვითარებულ მხატვრულ სკოლებს შორის. ოთხთა ეკლესიის (X ს.), ოშკის (1036), იშხნის, ხახულის, ტბეთის (სამივე XI საუკუნის დასაწყისი) მოხატულობები მონუმენტურობითა და სადღესასწაულო ხასიათით გამოირჩევა. თვალში საცემია ფიგურების ოდნავ წაგრძელებული პროპორციები, დახვეწილი ფორმები. ამავე სკოლის მხატვრობას მიეკუთვნება კუმურდოს ეკლესიისა (X ს.) და მანგლისის ღვთისმშობლის სახელობის ტაძრის (XI საუკუნის 20-იანი წლები) მოხატულობა.



▲ ფრაგმენტი ჯვარცმის სცენიდან. 1036 წ. ოშკი. სამხრეთი მკლავი

იერუსალიმში შესვლა. XI საუკუნის დასაწყისი. ხახული. სამხრეთი მკლავის დაღუპული ფრესკის ფრაგმენტი



უდაბნოს მთავარ ტაძარში შესვლისას აღამიანი, პირველ რიგში, მოპირდაპირე, ჩრდილოეთ კედელზე გამოსახულ კომპოზიციებს ხედავს. აქ, კედლის ქვედა ნაწილზე, ერთ მწკრივში ისტორიულ პირთა (სავარაუდოდ, კახელ დიდებულთა) ფიგურებია წარმოდგენილი ვედრების პოზაში, რომლებიც მათ წინ მდგომი წმინდანისკენ (სავარაუდოდ, წმინდა დავით გარეჯელისკენ) არიან მიმართულნი.

დავითგარეჯის მხატვრული სკოლა

უკვე არსებული ტრადიციების საფუძველზე დავითგარეჯში (XI–XIII საუკუნეები) მნიშვნელოვანი მხატვრული სკოლა ჩამოყალიბდა. დავითგარეჯის სამონასტრო კომპლექსის მოხატულობათა შორის, დოდოს რქისა და საბერეების მონასტრის მხატვრობასთან ერთად, აღსანიშნავია უდაბნოს მთავარი ტაძრისა და სატრაპეზოს XI საუკუნის ფრესკები და ბერთუბნის XII საუკუნისა და XIII საუკუნის დასაწყისში შექმნილი მხატვრობა. ტაო-კლარჯეთის ძეგლებისაგან განსხვავებით, დავითგარეჯში კომპოზიციები შედარებით მარტივია, კოლორითი კი – ნათელი და ხალისიანი, რაც რელიგიური ასკეტიზმის სიმძაფრეს ამსუბუქებს. შეიძლება ითქვას, რომ მთლიანობაში, დავითგარეჯის სკოლის წარმომადგენელთა მიერ შექმნილი მხატვრობა ადამიანური თანაგრძნობითა და სიყვარულითაა გაჯერებული. ამ სკოლას მიეკუთვნება ბოჭორმის წმინდა გიორგის სახელობის ეკლესიის მოხატულობაც.



ჩრდილოეთ კედლის ზედა ნაწილზე დავით გარეჯელის ცხოვრების სცენებია ასახული: გველეშაპის დამორჩილება წმინდა დავითის მიერ, წმინდა დავით გარეჯელი და მისი მოწაფე – ლუკიანე – შვლებთან ერთად და სხვა. ამ მოხატულობის კონცეფცია უშუალოდ ქართველი მხატვრის მიერ იყო შემუშავებული და ქართველი ოსტატის შემოქმედებით თავისუფლებასა და ორიგინალურობაზე მეტყველებს.



მეტად საინტერესოა უდაბნოს სატრაპეზოს მოხატულობაც. სატრაპეზო იყო ადგილი მონასტერში, სადაც ბერები თავს იყრიდნენ ტრაპეზისთვის (სასადილოდ და სავახშმოდ). აღსანიშნავია, რომ სცენები, რომლებიც ამჟამად ამ სადგომს, შერჩეულია მისი დანიშნულების შესაბამისად. აქ გამოსახულია „საიდუმლო სერობა“, „აბრაამის მასპინძლობა“. გარდა ამ სცენებისა, თაღების სვეტებზე დავით გარეჯელის, ექვთიმე მთაწმინდელისა და მესვეტეების გამოსახულებებია. თაღების შიდა ზედა ნაწილები შთამბეჭდავი, რთული მცენარეული ორნამენტებითაა შემკული.



სვანეთის სკოლა

საინტერესო მხატვრობით შეძგული სვანეთისა და რაჭის XI–XII საუკუნეების ეკლესიები მხატვრული თავისებურებებით ერთმანეთთან სიახლოვეს აშუღავნებს. საქართველოს ამ მთიან მხარეში გვხვდება, როგორც ხალხური ხასიათის ნამუშევრები, ასევე არაჩვეულებრივი ოსტატობით შექმნილი ფრესკები. საკუთხეველის კონქში ძირითადად „დეისუსი“ (ვედრება) გამოისახება. მნიშვნელობა ენიჭება წმინდა მეომრების – წმინდა გიორგისა და წმინდა თეოდორეს მხატვრულ სახეებს. ამ დროის მხატვრობა მკვეთრად მონუმენტურია, რაც ფიგურების მნიშვნელობის ხაზგასმით, ასევე, მთლიანად მოხატულობის ნათელი, ტექტონიკური ხასიათით მიიღწევა. სახარების სცენებიდან შერჩეულია მხოლოდ რამდენიმე, რაც განპირობებულია ეკლესიის მცირე ზომითა და მონუმენტური სტილის მოთხოვნებით, ასევე, წმინდანის თემით, რომლის სახელობისაც არის ეკლესია.

მეფის მხატვარი თევდორე

ამ პერიოდის სვანური მხატვრობის უმნიშვნელოვანესი ძეგლებია მეფის მხატვარ თევდორეს მიერ სხვადასხვა დროს შესრულებული იფარარის (1096), ლაგერკასა (1112) და ნაკიფარის (1130) დარბაზული ტიპის ეკლესიების მოხატულობა.

სტილური თავისებურებანი

ქართული მხატვრობისთვის დამახასიათებელი ხაზობრიობა და თავშეკავებული კოლორიტი სვანეთისა და რაჭის ძეგლების თავისებურებაა. ატენის სიონის მონასტელებისა და უფრო გვიანი ძეგლების ფრესკების „ფერადოვნებისგან“ (ყინვისი, გელათი და ა.შ.) განსხვავებით, სადაც ლურჯი და ცისფერი დომინირებს, სვანეთსა და რაჭაში კოლორიტი განსაკუთრებულად ძუნწია. აქ ფერების გამოყენება მკაცრადაა განსაზღვრული – ნაცრისფერი, მონითალო-ყავისფერი და ყვითელი ოხრა. აღსანიშნავია ფრესკებზე გამოსახული წმინდანთა მკაცრი სახეები, რაც დამახასიათებელია სვანეთის სკოლისთვის. ნახატი უხეშია, თუმცა პლასტიკური, გამომსახველი და საოცრად ემოციური. შედარებით ადრეული ნიმუშები მკვეთრად განზონანორებული კომპოზიციებით გამოირჩევა, შედარებით გვიანი ნიმუშები კი მეტი დეკორატიულობითა და დინამიზმით ხასიათდება.

შობა. 1096 წ.

მეფის მხატვარი თევდორე. იფრარი

იფრარნი

იფარაში, რომელიც მთავარანგელოზის სახელება ატეხული, მეფის მხატვარი თევდორე მაკცრად განსაზღვრული სქემის მიხედვით განათავსებს ფრესკებს კედლებზე და სრულად მუესადაგებს არქიტექტურული ნაგებობის სტრუქტურას.

ღვთისმშობელი ყრმით და
წმინდა ანა. 1096 წ. მეფის
ატყარი თევდორე. იფრარი



ლაგურკა

შედარებით გვიან, 1112 წელს, მოხატა მეფის მხატვარმა თეოდორემ ლაგურკას დარბაზული ტიპის ეკლესია, რომელიც წმინდა კვირიკესა და ივლიტას სახელზეა აგებული. აქაც, იფარარის მსგავსად, მოხატულობას მკვეთრად ტექტონიკური ხასიათი გააჩნია.



მიქაელ მაღლაკელი

მიქაელ მაღლაკელის მიერ შექმნილი მაცხვარიშის (1140) ეკლესიის მხატვრობა, მხატვარ თევდორეს ფრესკებთან შედარებით, უფრო ხისტი, პირობითი და არქაული, თუმცა, მეტად დინამიური და დეკორატიულია.



ნაკიფარი

მეფის მხატვარ თევდორეს მიერ მოხატული მესამე ტაძარი – ნაკიფარი – წმინდა გიორგის სახელობისაა. შესაბამისად, ამ ეკლესიის გაფორმების იკონოგრაფიულ სისტემაში წმინტენლოვანი ადგილი ეთმობა წმინდა გიორგის წამების სცენებს. დასავლეთ კედელზე წმინდა გიორგის მიერ კერპების შემეშვარის ტრიუმფალური კომპოზიციაა წარმოდგენილი. ღვანძაკუთრებით შთამბეჭდავია ქრისტეს სახის მრისხანე გამომეტყველება და მისი ძლიერი, განზე განული მაკურთხებელი მარჯვენა კონქში გამოსახულ „დეისუსის“ კომპოზიციაში.

ზემო კრიხის მხატვრობა

კედლებზე ფურცლების განლაგების სქემით, ფიგურების ტიპებითა და სახეებით, კოლორითა და ნახატის ხასიათით, ორნამენტულ-დეკორატიული მოტივებისადმი სიყვარულით სვანეთის მხატვრებს, რაჭაში, ზემო კრიხის ტაძრის მოხატულობა ენათესავება.

იერუსალიმში შესვლა.
1140 წ. მხატვარი მიქაელ
მალაქელი. მაცხვარიშის
მაცხოვრის ეკლესიის
მოხატულობა

წმინდა მთავარანგელოზი
გაბრიელი. XI ს. ზემო კრიხის
მთავარანგელოზთა ეკლესიის
მოხატულობა



ნაკიფარის წმინდა გიორგის ეკლესია



XI-XII საუკუნეების ფერწერული ხატები და მინიატიურები

ზანვითარებული შუა საუკუნეების მხატვრობის თავისებურების გააზრება შეუძლებელია ამ ეპოქაში შექმნილი მხატვრობის სხვადასხვა დარგის ნიმუშების განხილვის გარეშე. სრულიად განსხვავებული სპეციფიკის მიუხედავად, სტილისტურად მრავალი მსგავსების აღმოჩენაა შესაძლებელი ერთი და იმავე პერიოდის მონუმენტურ, მინიატიურულ მხატვრობასა და ხატუნების ნიმუშებს შორის.



ამ ეპოქაში შექმნილი ხატებიდან მეტად საინტერესო ნიმუშია მთავარანგელოზ მიქაელის ხატი ლაგურკადან. მონუმენტურობა, სახის კეთილშობილება, ფიგურისა და ხელების დახვეწილი ფორმები, პროპორციები, წერის მრავალფენიანობა, თუმცა, ფაქიზი მანერა და პლასტიკური ნახატი მოწმობს, რომ ხატი ძალიან დონის ოსტატის მიერაა შესრულებული. მხატვრული ნიშნების თვალსაზრისით ლაგურკას ხატი ამავე პერიოდში შექმნილი ბერძნული ხატწერის საუკეთესო ნიმუშებს უტოლდება, თუმცა, შესრულების ხაზობრივი მანერით, რასაც ქართული სახვითი ხელოვნებისთვის დამახასიათებელი ხაზისადმი განსაკუთრებული ინტერესი განსაზღვრავს, განსხვავდება მათგან. ეს ხატი, ღია ფერის კოლორით, ნახატის დახვეწილი ხასიათითა და კლასიკური პროპორციებით, სიახლოვეს ამუღავნებს დედაქალაქის სკოლის მხატვრობის ნიმუშებთან – ატენის სიონისა და გელათის ნარტექსის მოხატულობასთან, ასევე – ზატიკის მინიატიურებთან.

ღვთისმშობლისა და იოანე ნათლისმცემლის მეტყველად დახრილი თავების საშუალებით გადმოცემული გულწრფელი ემოცია, მოგვიანებით, იქვე, სვანეთში, თანდლის ტაძრის XIII საუკუნის მოხატულობაში აისახება.

სტილისტური თვალსაზრისით, მთავარანგელოზ მიქაელის ხატს უახლოვდება ჯვარცმის ხატი, რომელიც სვანეთის ისტორიულ-ეთნოგრაფიულ მუზეუმშია დაცული. ხატი ემოციური, ლირიკული განწყობილებით ხასიათდება, რასაც ფიგურათა პლასტიკური ფორმები და მათი რბილი მოძრაობები, ასევე, სახეზე აღბეჭდილი განცდა განსაზღვრავს. ხატის ოქროსფერ ფონზე მკაცრად ვერტიკალურად გამოსახული ფიგურებისა და მათი სამოსის შინდისფერი, მოყვითალო-მწვანე, მექი ლურჯი თუ მოყვითალო ოხრა მკვეთრ ლაქებად იკითხება. ჯვარცმული ქრისტეს შედარებით დიდი ზომისა და უფრო მაღლა გამოსახული ფიგურის გარშემო ღვთისმშობლისა და იოანე ნათლისმცემლის ფიგურების სიმეტრიული განლაგება კომპოზიციას ტექტონიკურ ხასიათს ანიჭებს და მაცხოვრის ფიგურას მნიშვნელოვნებას სძენს.



წმიდა ელია წინასწარმეტყველი. 1030 წ. მცირე სვინაქსარი. XI საუკუნიდან ჩვენ შემოგვრჩა მხატვრობის ბრწყინვალე ნიმუში – ზაქარია ვალაშქერდელის მინიატიურები. ხელნაწერი შემორჩენილია ფრაგმენტულად. ამ ნაწილს ამკობს 70-მდე ილუსტრაცია ცალკეულ წმინდანთა და სახარების სცენების გამოსახულებებით. სვინაქსარი გადაწერილია კონსტანტინოპოლში, ხორას მონასტერში და ბრწყინვალე მინიატიურული მხატვრობით ბერძენი ოსტატის მიერ უნდა იყოს ვადორმებული. ხელნაწერის ასეთი მაღალი მხატვრული დონის ფერწერით შეგება მოწმობს, თუ რა დიდი მოთხოვნები ჰქონდათ ქართველებს ხელნაწერების შემკულობისადმი.



განედლებული ჯვარი. ალავერდის ოთხთავი (1053-1054). ალავერდის ოთხთავში ყოველ სახარებას წინ უძღვის მახარებლის გამოსახულება, რომელიც, ადრეული ძეგლებისგან განსხვავებით, სკამზე მჯდომი, წერის პროცესშია წარმოდგენილი, რაც მეტ უშუალობას სძენს და თხრობით ხასიათს ანიჭებს მის მხატვრულ სახეს. ოთხთავი გადაწერილია შავ მთაზე, კალიპოსის ღვთისმშობლის ლავრაში, კალიგრაფების – გიორგისა და იოანე დვალის – მიერ.





განკითხვის დღე. XIII ს. ტიმოთესუბანი



ანგელოზი. ჯოჯოხეთის წარმოცვევნა. დეტალი. ვარძია

ტიმოთესუბნის მხატვრობა

ამ დროის ძეგლებს შორის აღსანიშნავია ტიმოთესუბნის ღვთისმშობლის სახელობის ეკლესიის მოხატულობა, რომელსაც იკონოგრაფიული პროგრამის მეტად რთული ხასიათი გამოარჩევს. ეკლესიის კედლებზე სახარების სხვადასხვა ეპიზოდი, იესო ქრისტესა და ღვთისმშობლის ცხოვრების სცენებია გამოსახული. შთამბეჭდავია განკითხვის დღის უზარმაზარი კომპოზიცია, განსაკუთრებით კი – სამოთხის ამსახველი მონაკვეთი. ფიგურები მოძრაავი, ემოციური, მოქნილი და პლასტიკურია. ოსტატურადაა შესრულებული სამოსის ნაოჭები. მხატვრობა ღრმა ემოციურობითა და საინტერესო ფერადოვანი გადანწყვეტით გამოირჩევა.

ვარძიის მოხატულობა

კლდეში ნაკვეთი ქალაქის, ვარძიის, ღვთისმშობლისადმი მიძღვნილი დიდი ეკლესიის ფრესკები (1184-1186) შუა საუკუნეების კედლის მხატვრობის ერთ-ერთი ბრწყინვალე ნიმუშია. აქ ფრონტალურ ფიგურებს 3/4-ით მობრუნებული გამოსახულებები ცვლის. თვალში საცემია ერთსა და იმავე კედელზე ფიგურების განსხვავებული მასშტაბით გამოსახვა. დასავლეთ კედელზე სცენები ჭადრაკისებურად ლაგდება, კანონიზირების გარეშე, თითქმის თავისუფალ ადგილებს ავსებენ კედელზე. ნახატი მოქნილია და პლასტიკური, შთამბეჭდავია გამოსახულ პერსონაჟთა მოძრაობები და სახეების ემოციური გამომეტყველება.

ჯვარცმა. დეტალი. ვარძია




ქრისტეს გამოსახულება. ვარძია. სამხრეთი კარის ტიმპანის ფრესკა. ასლი

ყინწისის მხატვრობა

მონუმენტურია ყინწისის წმიდა ნიკოლოზის სახელობის ტაძრის მოხატულობა (XIII ს.), სადაც ყოველი სცენა არქიტექტურული ელემენტებით შემოფარგლულ კედლის მონაკვეთზეა განთავსებული. ფრესკების განაწილების ეს თავისებურება უფრო წინა ხანის ძეგლებისთვისაა დამახასიათებელი (ატენის სიონი). ყინწისის მხატვრობა განსაკუთრებით შთამბეჭდავია ფიგურათა დახვეწილი ფორმებითა და სახეებით. გამოთეთრებისა და ჩრდილების საშუალებით მოცულობითი ფორმების შექმნის მიუხედავად, წამყვანი მნიშვნელობა აქაც ქართული მხატვრობისათვის დამახასიათებელ ხაზობრიობას ენიჭება. განსაკუთრებით შთამბეჭდავია ღია ფერის კოლორიტი, რომელიც შედგება ღია მწვანის, მონითალო-მოყავისფრო, ღია ცისფრის, ღია ლურჯისა და სხვა ფერებისაგან. მხატვარი თამამად იყენებს ლურჯისა და ცისფრის სხვადასხვა ტონს და ოსტატურად გამოსახავს ლურჯისა და ცისფრის საშუალებით შექმნილ დეტალებს იმავე ფერის ფონზე.

ყინწისი. ჩრდილოეთი შკლავი. საერთო ხედი



ზიარება. დეტალი



იოაკიმეს
გამოსახულება.
დეტალი.
დავითგარეჯი.
ბერთუბანი

ბერთუბანი

მწესარე ანგელოზი. დეტალი. ბერთუბანი

დავითგარეჯის ბერთუბნის კლდეში გამოკვეთილი მონასტრის ეკლესიისა და სატრაპეზოს კედლებზე (XIII ს.) ამ ეპოქის კიდევ ერთი შთამბეჭდავი მოხატულობა გვხვდება. ცალნავიანი ტაძრის საკურთხეველის კონქში წარმოდგენილია ღვთისმშობელი ყრმითა და მთვარანგელოზებით. კამარაში ჯვრის ამალღების, ხოლო კედლებზე ღვთისმშობლის ცხოვრების სცენები გამოსახული. განსაკუთრებით საინტერესოა პერსონაჟების ემოციური სახეები და პოზები, რომლებშიც მათი ხასიათი ვლინდება. ბერთუბნის მოხატულობა განსაკუთრებით შთამბეჭდავია თეთრი ფონით, რომელზეც ფიგურათა გამოსახულებები მკაფიო ფერადოვან ლაქებად იკითხება. აღსანიშნავია იოაკიმეს ფიგურა, რომელიც პეიზაჟშია ჩანერილი – მის უკან გამოსახული მთა, მაღალი ხეები და ბუჩქები გაცილებით რეალისტურია, ვიდრე შუა საუკუნეებში გავრცელებული პირობითი ხასიათის პეიზაჟი კლდოვანი მთებითა და „ჯუჯა“ ხეებით. მეცნიერები ბერთუბნის მოხატულობაში იტალიური პროტორენესანსის ხელოვნებისათვის დამახასიათებელ ნიშნებს ხედავენ, რაც ფიგურებისა და გარემოს გამოსახულების რეალურ ფორმებთან მიახლოებაში გამოიხატება.

ჯვრის ამალღება. ჯვრის მოხატულობის დეტალი ღვთისმშობლის ცხოვრების სცენებით. ბერთუბანი



მაცხოვრის დატირება. ბეთანია



ბეთანია

XII-XIII საუკუნეებში შექმნილი მხატვრობის ნიმუშებს შორის აღსანიშნავია ბეთანიის ღვთისმშობლის შობის სახელობის ეკლესიის ფრესკები, რომლებიც ფორმის დინამიზმითა და პლასტიკურობით, დეკორატიულობით, პერსონაჟთა ემოციური სახეებითა და პოზებით გამოირჩევა. კოლორითი ყინვისის, ბერთუბნის, ტომთესუბნის ფრესკების მსგავსად, მეტად შთამბეჭდავია – ცისფერი, ლურჯი, ღია მწვანე, მოყავისფრო-წითელი და ოხრა ჰარმონიულად ერწყმის ერთმანეთს.

XII საუკუნის მეორე ნახევრისა და XIII საუკუნის პირველი ნახევრის მინიატიურები და ფერწერული ხატები

XII საუკუნის მინიატიურულ ფერწერაში მეტად მნიშვნელოვანი ძეგლები შემოგვრჩა.

წმინდა თომას ურწმუნობა. ბატიკი. ბატიკის (სალვთისმეტყველო კრებული, რომელიც მოიცავს სააღდგომო საგალობლებსა და სახარების ადგილებს, რომლებიც იკითხება აღდგომის კვირიდან მოყოლებული, ვიდრე სულთმოფენობამდე) მინიატიურები ტექსტის გარეშეა შემორჩენილი და სწორედ სახარების შესაბამისი ადგილების ილუსტრაციას წარმოადგენს. მინიატიურებს დახვეწილი ნახატი, ფიგურების პროპორციულობა, ღია ფერის კოლორითი გამოარჩევს. ფიგურების დამუშავებისას გამოთვრება და ჩრდილები (მოცულობის მინიჭების მხატვრული ხერხი) ისე ფაქიზადაა გამოყენებული, რომ მკვეთრად შეიგრძნობა ხაზის, როგორც მთავარი სახვითი საშუალების, უპირატესობა, რაც შუა საუკუნეების ქართული ფერწერის ერთ-ერთი დამახასიათებელი ნიშანია. სტილის თვალსაზრისით ეს მინიატიურები გელათის ნარტექსის მოხატულობას ენათესავება.



წმინდა იოანე მახარებელი. გელათის ოთხთავი. იოანეს სახარების თავსაძკაული. გელათის სახარებაში 200-ზე მეტი ილუსტრაციაა. მინიატიურები ოქროსფერ ფონზეა გამოსახული. გელათის მინიატიურული ფერწერა შესრულების მაღალი პროფესიული დონით გამოირჩევა.

წინასწარმეტყველება მეორედ მოსვლის შესახებ. ჯრუჭი II ოთხთავი. საოცარი ოსტატობით გამოირჩევა ჯრუჭის II ოთხთავის ილუსტრაციებიც (300-ზე მეტი). ოქროსფერ ფონზე გამოსახული არქიტექტურისა და პეიზაჟის ელემენტების, ასევე ფიგურების თავისუფალი განლაგება სურათის სხვადასხვა პლანზე სივრცის შთაბეჭდილებას ქმნის, რაშიც ამ მინიატიურების პროგრესული ხასიათი ვლინდება. ფიგურათა ჟესტები და მოძრაობები ექსპრესიულია. შთაბეჭდავია კომპოზიციების წყობაც – კომპოზიციის დეტალები არღვევენ ჩარჩოს საზღვრებს და მორუდებლად გადადიან მიწოდორზე.


ზოდიაცოს ნიშანი მშვილდოსანი (ნომბერი). ასტრონომიული ტრაქტატი. XII საუკუნეს მიეკუთვნება აგრეთვე ასტრონომიული ტრაქტატის მინიატიურები (1188). ტრაქტატი ჩვენამდე მოღწეული, განვითარებული შუა საუკუნეების ეპოქაში შექმნილი ერთადერთი საერო ხასიათის ძეგლია. ზოდიაცოს ნიშნები აქ მხოლოდ გრაფიკული ნახატის სახითაა წარმოდგენილი, რომელიც განსაკუთრებული პლასტიკურობით გამოირჩევა. გამოსახულებები გვერდის ზედა ნაწილს ამკობენ და ტექსტის სტრიქონებისგან ორნამენტული ზოლითაა გამოყოფილი. შთამბეჭდავია ორნამენტი, სადაც მცენარეულ მოტივში ჩართულია ფიგურული გამოსახულებები. ზუსტად ასეთივე ორნამენტი გვხვდება უდაბნოს ეკლესიის მოხატულობაში და ჯრუჭის II ოთხთავში.





წმინდა მარკოზ მახარებელი. ნათლისღება. ვანის ოთხთავი. წმინდა მარკოზის სახარების თავსამკაული. მეტად საინტერესო ძეგლია ვანის ოთხთავი, რომელიც თამარ მეფის დაკვეთით შეიქმნა. გაფორმების ხარისხითა და შესრულების ოსტატობით, ეს ოთხთავი სადღესასწაულო ხასიათის ხელნაწერის საუკეთესო ნიმუშია. ვანის სახარება ამავე პერიოდის ბერძნულ ხელნაწერებთან სიახლოვეს ამჟღავნებს. მინიატიურების ავტორი ბერძენი მხატვარი მიქაელ კორესელია. ოთხივე მახარებლის გამოსახულება ორნამენტულ ჩარჩოშია ჩასმული, ხოლო მათ თავზე დღესასწაულის სცენები გამოსახული. კამარები უხვად ორნამენტირებულია, სადაც უკვდავების წყლის შადრევნები და მათკენ მიმართული ცხოველების ან ფრინველების გამოსახულებებია წარმოდგენილი. ყოველი კამარა შემკულია წელიწადის თვეების სიმბოლოებით.

თანადროული კედლის მხატვრობის ნიმუშებთან სიახლოვეს ავლენენ ამავე პერიოდში შექმნილი ხატწერის ძეგლებიც. XII-XIII საუკუნეებშია შესრულებული სვანეთის ისტორიულ-ეთნოგრაფიულ მუზეუმში დაცული მაცხოვრის ხატი. სწორი პროპორციები, სახის დახვეწილი ნაკვეთი და ფერადოვანი გადასვლებით (ღია ყავისფერი, ცისფერი, თბილი მოყვითალო ოხრა) შექმნილი სახის ფორმათა რბილი მოდელირება, ამავე დროს, მკაფიო, გრაფიკული ნახატი, ხატს დედაქალაქის სკოლის მხატვრობასთან, უფრო მეტად კი ყინწისის ფრესკებთან აახლოებს.



XII-XIII საუკუნეების სვანურ ხატებს შორის შეიძლება გამოვყოთ ე.წ. ხალხური ნიმუშები, მაგალითად, იფრარის ეკლესიაში დაცული მთავარანგელოზის ხატი. ექსპრესიის შეგრძნება აქ უჩვეულოდ გადიდებული თვალების გამოსახულებითა და გრაფიკული ნახატის დინამიკური ხასიათითაა მიღწეული.



მინიატიურული მხატვრობის საინტერესო ნიმუშია ეფრემ მცირეს თარგმნილი და XII საუკუნეში დასურათებული წმინდა გრიგოლ ღვთისმეტყველის თხზულებანი. განსაკუთრებით საინტერესოა „წმინდა მამაის“ გამოსახულება, რომელიც ქართულ ჯედურ ხელოვნებაში ტონდოს სახით გვხვდება, ასევე გამოსახულია იშხნისა და მანგლისის ტაძრების კედლებზე, XI საუკუნის მოხატულობებში. წმინდა გრიგოლ ღვთისმეტყველის თხზულებათა ილუსტრაციები ხაზობრივი, პლასტიკური ნახატი, კომპოზიციის ნათელი, გაწონასწორებული ხასიათით, ფორმათა განზოგადებითა და მონუმენტურობით, კედლის მხატვრობის ამავე პერიოდის, უფრო მეტად კი XI საუკუნის ნიმუშებთან სიახლოვეს ამჟღავნებენ.

შთამბეჭდავია XIII საუკუნის „ელეუსა“ ლავურკადან, რომელიც საოცარი ემოციურობით ხასიათდება. ხაზოვანი გრაფიკული ნახატი მხატვრული სახის ექსპრესიას კიდევ უფრო აძლიერებს.



ზარზმა. დეტალი. XIV ს.

გვიანი შუა საუკუნეების პალეოლოგოსური მხატვრობა

XIII საუკუნის მეორე ნახევრიდან, თათარ-მონღოლთა შემოსევების გამო, საქართველოში სამი საუკუნის განმავლობაში უმძიმესი ვითარება სუფევდა. XIII საუკუნის მეორე ნახევრიდან XVI საუკუნემდე, ფერწერა, ძირითადად, დასავლეთ საქართველოში ვითარდებოდა. დასავლეთ საქართველოს, რომელსაც მონღოლთა შემოსევების სიმძიმე არ განუცდია, მჭიდრო კულტურული ურთიერთობები აკავშირებდა ბიზანტიასთან. ამ დროიდან ქართულ მხატვრობაში ბიზანტიაში გავრცელებული პალეოლოგოსური ხელოვნების (ბიზანტიაში, პალეოლოგოსთა მმართველობის ხანაში ხელოვნებაში ჩამოყალიბებული მხატვრული სტილი) მხატვრული ტენდენციები ჩნდება. ქართული მხატვრობის უწინდელი მონუმენტალიზმი მცირე, მინიატიურული ხასიათის მრავალფიგურიანი კომპოზიციებით იცვლება, ნახატი დინამიკურია და ტეხილი, რაც ექსპრესიას სძენს გამოსახულებებს; ფიგურების ფორმები დაგრძელდა, ხაზობრივ ნახატთან შედარებით მეტ მნიშვნელობას იძენს ფერწერული დამუშავება, რბილ კოლორიტს მკვეთრი ფერადოვანი გადანყვება ცვლის. ძველი იკონოგრაფიული სცენები (მაგალითად, „ჯვრის ამაღლება“ გუმბათის კონქში) ადგილს უთმობს ბიზანტიურ კომპოზიციებს (ქრისტე პანტოკრატორის გამოსახულება გუმბათის კონქში).

ჯვარცმა. დეტალი. მარტვილი



ვედრება. საიდუმლო სერობა. XIV ს. უბისა

წმინდა მთავარანგელოზი გაბრიელი. XIV ს. მხატვარი კირ მანუელ ეგვენიკოსი. წალენჯიხა



მოქვის ოთხთავი

პალეოლოგოსური სტილისგან განსხვავებულია XIII-XIV საუკუნეების მაცხოვრის ხატი წმინდა ბარბარეს ეკლესიიდან (სოფ. ხე), რომელიც ბუსტად იმეორებს ამავე ტაძრის აფსიდის მოხატულობას – „ქრისტეს დიდების“ კომპოზიციას. ტახტზე მჯდომი ქრისტეს გამოსახულება გრაფიკული და დეკორატიულია.



XIV-XV საუკუნეების მინიატიურები და ფერწერული ხატები


XIV-XV საუკუნეების მინიატიურული მხატვრობაც პალეოლოგოსური სტილითაა შთაგონებული. ამ ეპოქის ძეგლებისთვის (მოქვის სახარება (1300 წ.), ლარგვისის ბატიკი) ფორმათა ცხოველხატული დამუშავებაა დამახასიათებელი, რაც პალეოლოგოსთა მხატვრობის ნიშანია. თუმცა, ამ სტილის ბიზანტიურ ნიმუშებთან შედარებით, ქართულ მინიატიურებში კომპოზიციები შედარებით მარტივია და გრაფიკული.



ფსალმუნი. XV ს. წინასწარმეტყველ მოსეს ლოცვა.

ამ პერიოდის მეტად შთამბეჭდავი ნიმუშია დავითის ფსალმუნის ილუსტრაციები – წითელ ფონზე გამოსახული ბიბლიის სიუჟეტები და წმინდანთა გამოსახულებები, დახვეწილი ხასიათის ორნამენტული ნახატი.

XIV საუკუნის უბისის ტრიპტიქონი ბიზანტიაში განვითარებულ პალეოლოგოსთა ხელოვნებისათვის დამახასიათებელ ნიშნებს ავლენს – კომპოზიციები, ასევე, ფიგურათა პოზები რთულდება, იქმნება სივრცის ილუზია, მოძრაობები ხდება დინამიკური. იცვლება და უფრო მკვეთრი ხდება კოლორიტი – ლიაფერადოვან ლაქებს მკვეთრად უპირისპირდება მწვანე, იასამნისფერი, შიგადაშიგ წითელი ლაქები.




განკითხვის დღე. დეტალი. XVI ს. ბუგეული. ამავე ეპოქაში სვანეთისა და რაჭის ძეგლებში აღსანიშნავია ხალხური ხელოვნების ნიშნები, რაც ალქმის უშუალოდ, ნახატის სიბრტყობრივ და გრაფიკულ ხასიათში ვლინდება. ამის ნათელი მაგალითია ბუგელის მოხატულობა, რომელსაც ხალხური ნაკადის მხატვრებისთვის დამახასიათებელი უშუალო ექსპრესიულობა გამოარჩევს.

სვეტიცხოვლის შიდა კოშკის მოხატულობის ფრაგმენტი. XVII საუკუნის მოხატულობებს შორის განსაკუთრებით საინტერესოა ანჩისხატისა და სვეტიცხოვლის შიდა კოშკის გრიგოლ გულჯავარასაშვილისეული მოხატულობა (1673-1688), რომელიც, მართალია, მინიატიურული მხატვრობის გადიდებულ ნიმუშებს მოგვაგონებს, თუმცა, ადრეული ხანის ქართული მხატვრობის ტრადიციებს აგრძელებს და გამოშასხველი ნახატი, რბილი, ჰარმონიული კოლორიტით გამოირჩევა.

XVI-XVIII საუკუნეების მხატვრობა

XVI საუკუნიდან მთელ საქართველოში კვლავ იწყება ინტენსიური მხატვრული მოღვაწეობა. იქმნება ახალი ფრესკები და გადაინერება ძველი ტაძრები. დასავლეთ საქართველოში მოიხატა გელათის მთავარი ტაძარი, წმინდა გიორგის სახელობის ტაძარი, ტაბაკინი, მარტვილი, ნიკორწმინდა, ასევე – ხობის, წალენჯიხის ეგვტერები; აღმოსავლეთ საქართველოში – სამთავრო, სვეტიცხოველი, ნეკრესი, გრემი, ახალი შუამთა, ალვანი, ნაწილობრივ – ალავერდი. ამ მოხატულობებს განსხვავებული მხატვრული თავისებურებები გამოარჩევს. ოსტატთა ერთი ჯგუფი, ერთი მხრივ, გვიანპალეოლოგოსურ ტრადიციებს აგრძელებს, თუმცა ფრესკები შედარებით უხეშია და მანერული, კოლორიტი – მშრალი. მონუმენტური მხატვრობა თავისი ხასიათით ხატწერას უახლოვდება. ამ მოხატულობებში იკონოგრაფიული სქემა სიმბოლური გამოსახულებებით რთულდება, კომპოზიციები დანაწევრებულია და დეკორატიული, ნახატი – პირობითი, ფორმები კი – სქემატური.





◀ აღმოსავლური ხელოვნების დიდი გავლენითაა შექმნილი ჩვენამდე მოღწეული დასურათებული „ვეფხისტყაოსნის“ ნიმუშებიც, რომელიც XVII საუკუნეშია შესრულებული. მკვეთრი ფერადოვანი გადაწყვეტა, დეკორატიული და სიბრტყობრივი ხასიათი, წერის ხაზობრივი მა-წერა განსაზღვრავს „ვეფხისტყაოსნის“ ილუსტრაციების აღმო-სავლურ ხასიათს.

▶ განსხვავებულია მამუკა თავაქარაშვილის მიერ 1646 წელს გადაწერილი და გაფორმებული „ვეფხისტყაოსანი“, რომელიც ლევან დადიანის სასახლის კარზე შესრულდა. ამ ოსტატის მიერ შექმნილი გამოსახულებები განსაკუთრებით საინტერესოა იმიტო, რომ იგი აქტიურად იყენებს იმდროინდელი სამეგრელოს ცხოვრებისთვის დამახასიათებელ ყოფით დეტალებს, ცდილობს, თავი აარიდოს აღმოსავლურ გავლენებს და ქართული ტრადიციებით იხელმძღვანელოს. ნათელია, რომ მამუკა თავაქარაშვილი ხალხური ნაკადის შემოქმედია და მისი მინიატიურები ალექსის უშუალობით ხასიათდება.

XVI-XVIII საუკუნეების მინიატიურები და ფერწერული ხატები

ორი მიმართულება შეინიშნება ამ პერიოდის მინიატიურებშიც. რელიგიური შინაარსის ხელნაწერები პოსტბიზანტიური ან პოსტპალეოლოგოსური სტილის თავისებურებებისა და ადგილობრივი ტრადიციების საფუძველზე იქმნება. ამ თვალსაზრისით 1681 წელს შექმნილი ანჩისხატის გულანი ერთ-ერთი საუკეთესო ნიმუშია. XVI საუკუნეში, პოლიტიკური ვითარების შესაბამისად, საქართველო ირანისა და თურქეთის კულტურული ზეგავლენის ქვეშ მოექცა, რამაც განსაკუთრებით იჩინა თავი საერო ხასიათის მინიატიურებსა და ქტიტორთა (ტაძრებისა და მოხატულობათა დამკვეთი საერო პირი) პორტრეტებში. აქ ნათლად იკვეთება ირანული ხელოვნებისათვის დამახასიათებელი მხატვრული ნიშნები. მჭიდრო კულტურული კავშირების საფუძველზე აღმოსავლური სამყაროდან შემოდიოდა და ითარგმნებოდა ლიტერატურული ნაწარმოებები: „ვისრამიანი“, „შაჰნამე“, „ქილილა და დამანა“. ეს ძეგლები გაფორმებულია მინიატიურებით, რომლებიც აღმოსავლური ხელოვნებისათვის დამახასიათებელი მხატვრული ნიშნებითა და ხასიათით გამოირჩევა. გვიანი ხანის ხატებზეც (XVI-XIX საუკუნეები) სხვადასხვა მხატვრული ტრადიციის გავლენა შეინიშნება. ადგილობრივ სტილისტურ ნიშნებთან ერთად, ქართულ მხატვრობაში აშკარად ვლინდება პოსტბიზანტიური, აღმოსავლური (ირანული), რუსული და დასავლეთევროპული ხელოვნების ტრადიციები.



ქართული ხელნაწერი წიგნი XIX საუკუნემდე არსებობდა. შემდეგ ის ნაბეჭდმა პროდუქციამ ჩაანაცვლა.



◀ ამ პერიოდის ხატებს შორის აღსანიშნავია შობის ხატი ნიკორწმინდიდან (XVI-XVII სს.) გამოსახულება მრავალფიგურიანია და მინიატიურული ფორმებით გამოირჩევა, რითაც სინურ ხატებთან სიახლოვეს ამაჟღავნებს.

▶ წმიდა იოანე ნათლისმცემლის თავისკვეთა. ანჩისხატის გულანი. 1681 წ.



ახალი ქართული მხატვრობა

XVII-XVIII საუკუნეების ქართულ მხატვრობაში დასავლეთ ევროპის ხელოვნების გავლენა შეინიშნება, რასაც, ერთი მხრივ, მნიშვნელოვნად შეუწყო ხელი საქართველოში კათოლიკე მისიონერების აქტიურმა მოღვაწეობამ (მაგ. თეათინელი ბერი დონ კრისტოფორო დე კასტელი), რომლებიც დახელოვნებული მხატვრები იყვნენ. მეორე მხრივ, ევროპულ ხელოვნებასთან ზიარება ხორციელდებოდა რუსეთის საშუალებით. 1724 წელს მოსკოვში გადასახლებულ ვახტანგ მეექვსეს თან ახლდნენ ქართველი ოსტატებიც (იოსებ თურქესტანიშვილი, გრიგოლ და სოლომონ მესხიშვილები, ნიკოლოზ აფხაზი), რომლებსაც საშუალება ჰქონდათ, გასცნობოდნენ და აეთვისებინათ ევროპული მხატვრობის ტრადიციები.

▶ თორნიკე ქსნის ერისთავის ქალიშვილი ნინო. 1829 წ. ტილო, ზეთი. 135X90

კულტურული განვითარება

XVIII საუკუნის მეორე ნახევრიდან, როგორც აღმოსავლეთ, ისე დასავლეთ საქართველოში იწყება პოლიტიკური აღმავლობის ხანა. ხელსაყრელი პირობები შეიქმნა ხელოვნების, ზოგადად, კულტურის განვითარებისათვის. ქართული ხელოვნება თანდათან თავისუფლდება აღმოსავლური, მაჰმადიანური კულტურის გავლენისგან და ორიენტაციას რუსულ, ხოლო რუსეთის საშუალებით, ევროპულ კულტურაზე იღებს. ძლიერდება ეროვნული ტრადიციები. საქართველოს რუსეთთან შეერთების შემდეგ, ქართველი მხატვრები პროფესიულ განათლებას რუსეთსა და ევროპაში იღებენ და მათთვის ახალ, რეალისტური ხელოვნების, პრინციპებს ითვისებენ. სახვით ხელოვნებაში, ადრეული შუა საუკუნეებიდან, საქართველოში განვითარებულ მონუმენტურ და მინიატიურულ მხატვრობასთან, ასევე ხატწერასთან ერთად, განვითარდა ისეთი მნიშვნელოვანი დარგები, როგორებიცაა დაზგური ფერწერა და გრაფიკა. სახვითი ხელოვნების ამ დარგის გაჩენა თავისთავად მნიშვნელოვანი მოვლენაა, რაც ქართული ხელოვნების ისტორიაში ახალი ეტაპის დადგომაზე მიუთითებს.



თავადი ნიკოლოზ ედიშერის ძე მუხრან-ბატონი ოჯახით. 1862 წ. ტილო, ზეთი. 89X129. XIX საუკუნის პირველ ათწლეულში ყალიბდება ე. წ. ტფილისური პორტრეტული სკოლა. ამ შეტად საინტერესო და ორიგინალური პორტრეტების მხატვრული გადაწყვეტის საფუძველი შუა საუკუნეების ქართული ფრესკული მხატვრობაა. თუმცა, აღმოსავლური, კერძოდ კი ყაჯარული პორტრეტებისა და მინიატიურული მხატვრობის გავლენის კვალიც თვალნათლივ შეინიშნება. უნდა აღინიშნოს, რომ ეს ნაწარმოებები შესრულების ოსტატობით, დახვეწილი გემოვნებითა და მხატვრული სახის ხასიათის გახსნის მცდელობით გამოირჩევა.



დაზგური მხატვრობის პირველი ნიმუშები

ქართული დაზგური მხატვრობის პირველი ნიმუშები ქართველ მეფეთა და სამეფო კარის წარმომადგენელთა პორტრეტებია. პორტრეტების ადრეულ ნიმუშებში (სოლომონ პირველი, თეკლა ბატონიშვილი, ფარნაოზ ბატონიშვილი და ა.შ.) ნათლად იკვეთება ტრადი-ციული, ევროპული „კარის“ (სამეფო კარის წარმომადგენელთა) პორ-ტრეტების გავლენა, რაც სურათების სადღესასწაულო და ფერწერულ-პლასტიკურ ხასიათში ვლინდება.

საერო პორტრეტის ისტორია

შუა საუკუნეების ქართულ მხატვრობაში ქტიტორული პორტრეტის ხანგრძლივი ტრადიცია არსებობდა. საეკლესიო მხატვრობაში ისტორიულ პირთა საკმაოდ დიდი ზომის გამოსახულებები გვხვდება, რომლებიც 3/4 ბრუნში, ან ფრონტალურად, ვედრების ნიშნად წინ განვდილი ხელებით არიან წარმოდგენილი იესო ქრისტეს, ღვთისმშობლის ან რომელიმე წმიდანის წინაშე. აღსანიშნავია, რომ ისტორიულ პირთა ფიგურები წმინდანთა ფიგურებზე დიდი ზომისაა, მონუმენტურია და დომინირებს კომპოზიციაში. ბიზანტიისაგან განსხვავებით, სადაც ქტიტორები ეკლესიის ნარტექსის ან გვერდითი გალერეის კედლებზე არიან გამოსახულნი, საქართველოში ბოლომდე შენარჩუნდა ისტორიულ პირთა პორტრეტების ტაძრის შიდა სივრცეში, ძირითადად, ჩრდილოეთის კედლის ქვედა რეგისტრში გამოსახვის ტრადიცია.



XIX საუკუნისა და XX საუკუნის დასაწყისის ქართული მხატვრობა

XIX საუკუნის მეორე ნახევარში საქართველოში უკვე არაერთი პროფესიონალი შემოქმედი მოღვაწეობდა, რომლებმაც განათლება სანქტ-პეტერბურგსა და მოსკოვში მიიღეს. ქართველ მხატვართა – გიორგი მაი-სურაძის (1871-1885), რომანოზ გველესიანის (1859-1884), გიგო გაბაშვილის (1862-1936), დავით გურამიშვილის (1857-1926), მოსე თოიძისა (1871-1953) და სხვათა შემოქმედება ქართული მხატვრობის განვითარების სრულიად ახალ ეტაპს გვიჩვენებს. მათს ნამუშევრებს შესრულების პროფესიული მანერა, მხატვრული სახის ხასიათის გახსნისადმი სწრაფვა და რეალიზმის მხატვრული მიმდინარეობისთვის დამახასიათებელი ნიშნები გამოარჩევა.



1914 წელს მოსე თოიძე ქმნის სურათს „ბაზაზხანა“, სადაც რეალიზმისათვის დამახასიათებელ ნიშნებს მკვეთრი ლოკალური ფერებითა და ფუნჯის დინამიკური მონასმებით შექმნილი დეკორატიული გამოსახულება ცვლის, რაშიც აღმოსავლური ხელოვნებით გატაცება შეინიშნება. რეალისტური გამოსახულებების უარყოფა, სიბრტყობრიობა, ფერადოვანი ლაქების საშუალებით შექმნილი დეკორატიულობა მოსე თოიძის შემოქმედებას ევროპულ ხელოვნებაში ამ პერიოდში ჩამოყალიბებულ მოდერნის სტილთან აკავშირებს. „თოიძის შემოქმედების ქრონოლოგიური განხილვა ადასტურებს, რომ მან სულ მცირე დროში ქართული ფერწერა საერთო-ევროპული და რუსული ხელოვნების მხატვრული პრობლემების დონეზე აიყვანა“ (ი. არსენიშვილი).

ნიკო ფიროსმანი

ნიკო ფიროსმანაშვილის (1862-1918) თვითმყოფადი შემოქმედება ქართული მრავალსაუკუნოვანი ხელოვნების ღირსშესანიშნავი და ერთ-ერთი ორიგინალური ნაწილია. თვითნასწავლი მხატვრის შემოქმედება შუა საუკუნეების ქართულ ფრესკულ მხატვრობასა და რელიეფებთან კავშირს ავლენს. ამავე დროს, ფიროსმანის მხატვრობა იმ პერიოდში ევროპულ ხელოვნებაში განვითარებული ავანგარდული ხელოვნების მისწრაფებებისა და ამოცანების საუკეთესო გამოვლინებაა.

ნადირობა ინდოეთში. მუშაობა, ზეთი



„ხედავ ფიროსმანს – და გჯერა საქართველო“

ფიროსმანის ნამუშევართა თემატიკა საოცრად მრავალფეროვანია: რთველი, აღდგომა, საეკლესიო დღესასწაულები, ქორწილი, ისტორიული პერსონაჟები, საქართველოს ბუნება და ხალხის წეს-ჩვეულებები, ცხოველთა სამყარო, თბილისისა და მშობლიური კახეთის სოციალური ტიპები. მხატვრის დამოკიდებულება სამყაროსადმი, ადამიანისადმი, ყოველი სულიერისადმი სიყვარულითა და უშუალოდ არის გამსჭვალული. ფიროსმანი სურათებს ძირითადად შავ მუშაობაზე, იშვიათად კი თუნუქზე ქმნიდა. მუშაობდა ძალიან სწრაფად – ვირტუოზულად, თითო-ორი მონასმით ქმნიდა გამოსახულებათა განზოგადებულ, ძირითად ფორმებს, რომლებიც საოცრად მეტყველი, უშუალო და დინამიკურია. ლაკონიურია და, ამავე დროს, მრავალფეროვანი ნიკო ფიროსმანაშვილის სურათების ფერადოვანი გადანწყვეტა.

„ხედავ ფიროსმანს – და გჯერა საქართველო“ – წერდა გრიგოლ რობაქიძე.

წმინდა გიორგის დღეობა ბოლნისში. მუყაო, ზეთი. 79X269





XX საუკუნის პირველი ნახევრის მხატვრობა

1910-იანი წლებიდან ქართულ მხატვრობაში ეროვნული მხატვრული ფორმის ძიებისა და დამკვიდრების პროცესი მიმდინარეობს. ამ პერიოდში მოღვაწე ახალგაზრდა მხატვრები ევროპული ხელოვნების ტრადიციებს მასთან უშუალო კავშირის საფუძველზე ეზიარნენ – მათი დიდი ნაწილი ევროპის სხვადასხვა ქვეყანაში, ძირითადად კი, პარიზში მოღვაწეობდა. გაჩნდნენ ისეთი მნიშვნელოვანი და საინტერესო შემოქმედები, როგორებიც არიან: ვალერიან სიდამონ-ერისთავი, დიმიტრი შევარდნაძე, შალვა ქიქოძე, დავით კაკაბაძე, ლადო გუდიაშვილი, ქეთევან მაღალაშვილი, ელენე ახვლედიანი და სხვები.



▲
ვალერიან სიდამონ-ერისთავი.
დავით კლდიაშვილის პორტრეტი. 1921 წ. ტილო, ზეთი. 64X60
ვალერიან სიდამონ-ერისთავის (1889-1943) შემოქმედება XIX საუკუნის დასასრულის რეალისტური ხელოვნების ტრადიციებთანაა დაკავშირებული. თუმცა, 1910-იანი წლების ბოლოს სიდამონ-ერისთავის მხატვრობა თავისი ხასიათით მოდერნის სტილს უახლოვდება.

▼
ალექსანდრე ბაჟბეუქ-მელიქოვი. ფრენბურთი. 1939 წ. ტილო, ზეთი. 60X70
საინტერესო ფიგურაა ქართულ მხატვრობაში ალექსანდრე ბაჟბეუქ-მელიქოვი (1891–1966), რომელიც უაღრესად დახვეწილი და ორიგინალური ფერმწერია. მხატვარს ჯადოსნური სამყარო იტაცებდა, რომელშიც მომხიბვლელი ასულები და ცირკის მსახიობები ცხოვრობდნენ. მხატვრის მიერ შექმნილი სურათები ფუნჯის დინამიური მონასმებით, თბილი და მსუყე კოლორითით გამოირჩევა. მის შემოქმედებაში ფრანგი რომანტიკოსი მხატვრების, იმპრესიონისტებისა და XIX-XX საუკუნეების მიჯნაზე სახვით ხელოვნებაში ჩამოყალიბებული მხატვრული მიმდინარეობების თავისებურებები პოვებს ასახვას. მხატვრის შემოქმედებამ მნიშვნელოვანი გავლენა მოახდინა მომდევნო თაობის ქართველი მხატვრების შემოქმედებაზე.




▲
დიმიტრი შევარდნაძე.
არლეკინი. მუყაო, ზეთი. 52X36
დიმიტრი შევარდნაძე (1885-1937) – შესანიშნავი მხატვარი, ქართული კულტურის ქომაგი, სურათების გალერეის, მოგვიანებით კი ხელოვნების მუზეუმის დამაარსებელი და ცნობილი საზოგადო მოღვაწე. ამავე დროს, მან საფუძველი ჩაუყარა თეატრის მხატვრობის განვითარებას საქართველოში. სამხატვრო განათლება გერმანიაში მიიღო, რაც ნათლად ვლინდება მის შემოქმედებაში – დიმიტრი შევარდნაძის შემოქმედება გერმანულ ექსპრესიონიზმთან, იმპრესიონიზმთან, ფოვიზმთან სიახლოვეს ამჟღავნებს.

►
კირილე ზდანევიჩი (1892-1975) ერთ-ერთი მნიშვნელოვანი შემოქმედი ახალ ქართულ ხელოვნებაში. მხატვრის შემოქმედება XX საუკუნის დასავლური ხელოვნების ავანგარდითაა შთაგონებული და, ამავე დროს, ძველი ქართული ფერწერის მონუმენტურ-დეკორატიულ ტრადიციებთან სიახლოვეს ინარჩუნებს. სწორედ ამ მიზეზით ზდანევიჩის მხატვრობა, ერთდროულად, ქართულიცაა და სხვადასხვა კულტურის ტრადიციების მატარებელიც. ზდანევიჩის უდიდესი დამსახურებაა ნიკო ფიროსმანაშვილის „აღმოჩენა“.

▲
ქეთევან მაღალაშვილი. იაკობ ნიკოლაძის პორტრეტი. 1922 წ. ტილო, ზეთი. 105X69
ქეთევან მაღალაშვილი (1894-1973) ერთ-ერთია იმ ქართველ მხატვართაგან, რომლებიც გარკვეულ პერიოდში პარიზში მოღვაწეობდნენ. მხატვარი ძირითადად პორტრეტებს ქმნიდა, რომლებშიც მეტყველად არის ასახული ადამიანთა ხასიათი და მათ მიმართ ავტორის კეთილგანწყობა.

►
კირილე ზდანევიჩი. ნიუ. ტილო, ზეთი. 123X91
პოლონური წარმოშობის ქართველი მხატვარი




▼
შალვა ქიქოძე. უდროოდ დაღუპული მეგობრის მოსაგონებლად. ავტოპორტრეტი. 1920 წ. ტილო, ზეთი. 96X101
შალვა ქიქოძე (1894-1921) სრულიად ახალგაზრდა გარდაიცვალა საფრანგეთში. იგი ქართული მხატვრობის ერთ-ერთი მნიშვნელოვანი და საინტერესო წარმომადგენელია. მის შემოქმედებაში მთელი სიცხადით წარმოჩნდა XIX-XX საუკუნეების მიჯნის ევროპული და რუსული ხელოვნების თავისებურებები, უფრო მეტად იმპრესიონიზმის, სიმბოლიზმისა და მოდერნის სტილისათვის დამახასიათებელი ნიშნები.



▲
დავით კაკაბაძე. აბსტრაქციული კომპოზიცია. 1927 წ. მუყაო, ზეთი. 46X61
დავით კაკაბაძე (1889-1952) ქართული მხატვრობის ერთ-ერთი მნიშვნელოვანი და ორიგინალური შემოქმედი. იგი იყო ახალი გზების მაძიებელი, ექსპერიმენტატორი, თეორეტიკოსი, მოაზროვნე. დავით კაკაბაძის შემოქმედებაში, რომელიც შუა საუკუნეების ქართული მხატვრობის ტრადიციებზეა დამყარებული, სიმბოლიზმისა და მოდერნის სტილის, ასევე ავანგარდული მხატვრული მიმდინარეობების – კუბიზმის, დადაიზმის, აბსტრაქციონიზმის საინტერესო ნიმუშები გვხვდება.

▼
ლადო გუდიაშვილი. მერანი. 1918 წ. ტილო, ზეთი. 154X107
ლადო გუდიაშვილი (1896–1980) მოღვაწეობის დასაწყისიდანვე ხასიათდებოდა განსაკუთრებული ნიჭიერებითა და შემოქმედებითი ინდივიდუალიზმით. მისი შემოქმედება, რომლის მყარი საფუძველიც ქართული შუა საუკუნეების კედლის მხატვრობა და მინიატიურული ფერწერის ტრადიციებია, სრულ შესაბამისობაშია მოდერნის სტილთან. ლადო გუდიაშვილს იტაცებდა ქართული მითები და ზღაპრები, ეგზოტიკური სამყარო. ამ გატაცებით აიხსნება მისი სურათების რომანტიკული ხასიათი, სადაც ჰარმონიულად თანაარსებობს რეალური და ზღაპრული.





ელენე ახვლედიანი. ზამთარი. კახეთი. 1924 წ. ტილო, ზეთი. 67X69,5
ელენე ახვლედიანი (1901-1975) პეიზაჟური ჟანრის ოსტატი. მისი სურათები ლირიზმითა და რომანტიზმითაა აღსავსე, ტემპერამენტული და ემოციური. მხატვარი თითქმის არასოდეს გამოსახავს ადამიანებს. მიუხედავად ამისა, მის სურათებზე ნათლად იგრძნობა ადამიანისა და გარემომცველი სამყაროს ორგანული ურთიერთკავშირი. მისი ნამუშევრები წერის მეტყველი, თამამი და თავისუფალი მანერით გამოირჩევა, ახასიათებს საოცარი ფერადოვნება.



სერგო ქობულაძე. დანტე ალიგიერი. 1977 წ. ოფორტი. 48X29

სერგო ქობულაძე (1909-1978) ქართული გრაფიკული ხელოვნების უდიდესი ოსტატია. მას შერეული ხასიათები იზიდავს და მიქელანჯელოს გმირები აღაფრთოვანებს. ქობულაძის შემოქმედების შთაგონების წყარო იტალიური რენესანსისა და კლასიციზმის ხელოვნებაა. იგი ერთდროულად ფერმწერი, გრაფიკოსი, წიგნის ილუსტრატორი და თეატრის მხატვარია. მის მიერ შექმნილ ნამუშევართა შორის განსაკუთრებით აღსანიშნავია „ვეფხისტყაოსნისა“ და უილიამ შექსპირის ნაწარმოებების ილუსტრაციები. ასევე შთამბეჭდავი იყო სერგო ქობულაძის მიერ ზაქარია ფალიაშვილის სახელობის ოპერისა და ბალეტის თეატრისთვის შექმნილი საზეიმო ფარდა (1960), რომელიც, სამწუხაროდ, ოპერის თეატრის ხანძრის დროს განადგურდა.

სოლიკო ვირსალაძე. აბესალომ და ეთერი. ესკიზი
სოლიკო ვირსალაძის (1909-1989) სახელს უკავშირდება ქართული კლასიკური ბალეტის განვითარება, ილიკო სუხიშვილისა და ნინო რა-მიშვილის მიერ შექმნილი „ნაციონალური ბა-ლეტისა“ და რუსული კლასიკური ბალეტის მსოფ-ლიო წარმატება. მას გაფორმებული აქვს მრავალი დრამატული, საოპერო და საბალეტო სპექტაკლი, რომლებიც მუსიკის, ქორეოგრაფიისა და მხატ-ვრობის ჰარმონიული ერთიანობის საუკეთესო ნიმუშებია. მხატვრის მიერ 1940-იან წლებში შეიქმნა და საფუძვლიანად დამკვიდრდა ქალისა და მამაკაცის ქართული ეროვნული კოსტიუმი.



თამარ აბაკელია. გიორგი სააკაძის პორტრეტი. 1943 წ. ქალაღი, შერეული ტექნიკა. 63X47
თამარ აბაკელია (1905-1953) სახვითი ხელოვნების სხვადასხვა დარგში მოღვაწეობდა. თუმცა მისი უპირველესი გატაცება ქანდაკება იყო. ფერწერასა და გრაფიკაში შექმნილი გამოსახულებები რთული მოძრაობებით, მოცულობიანი, ძლიერი ფორმებით გამოირჩევა, რაც მხატვარს პერსონაჟების ხასიათის შექმნაში ეხმარება.



პეტრე ოცხელი. ავიატორი. ესკიზი. თბილისი, 1936 წ. ქალაღი, აკვარელი, ტუში. 43,7X31,5 სმ.
პეტრე ოცხელი (1907-1937), აქტიურად თანამშრომლობდა კოტე მარჯანიშვილთან. მათი შემოქმედებითი კავშირი საოცარი ჰარმონიულობით გამოირჩეოდა. ახალგაზრდა შემოქმედი სავსებით იზიარებდა ეპოქის უახლეს მხატვრულ ტენდენციებს. მდიდარი ფანტაზიისა და ტემპერამენტის საფუძველზე სრულიად განსხვავებულ, ინოვაციურ მხატვრულ ფორმებს ქმნიდა, რაშიც ტექნიკური სიახლეებისადმი ინტერესი იკვეთებოდა. მისი შემოქმედება ლაკონიურობითა და მონუმენტურობით, კონსტრუქტივიზმის მხატვრული თავისებურებების ინდივიდუალური ინტერპრეტაციით გამოირჩევა. ახალგაზრდა მხატვარი 1937 წლის პოლიტიკურ რეპრესიებს ემსხვერპლა.



ირაკლი გამრეკელი. ბერიკობა. კოსტიუმის ესკიზი სპექტაკლისათვის. ქალაღი, აკვარელი, თეთრა. 35X19,3
ირაკლი გამრეკელი (1894-1943) ქართული თეატრალური მხატვრობის უნიჭიერესი წარმომადგენელია. მისი შემოქმედება დიდ ქართველ რეჟისორებთან – კოტე მარჯანიშვილსა და სანდრო ასმეტელთან – მჭიდრო ურთიერთობის ფონზე ვითარდებოდა. ირაკლი გამრეკელი ქართულ თეატრალურ-დეკორაციულ ხელოვნებაში ევროპაში XX საუკუნის დასაწყისში განვითარებული მხატვრული მიმდინარეობის – კონსტრუქტივიზმის – ერთ-ერთი ფუძემდებელია.



ირაკლი თოიძე. პლაკატი. დედა-სამშობლო გვეძახის ირაკლი თოიძე (1902-1982) ქართული რეალისტური მხატვრობის ერთ-ერთი მნიშვნელოვანი წარმომადგენელია. მხატვარმა მეტად საინტერესო მხატვრული ნამუშევრები შექმნა, როგორც გრაფიკულ ხელოვნებაში, ასევე – ფერწერაში. ირაკლი თოიძე პლაკატის აღიარებული ოსტატია. განსაკუთრებით შთამბეჭდავია მისი მეორე მსოფლიო ომისდროინდელი პლაკატი „დედა-სამშობლო გვეძახის“, რომელიც მონუმენტურობით, დინამიზმით, შინაგანი სიძლიერითა და ემოციურობით გამოირჩევა.



ფელიქს ვარლამიშვილი. მეთევზეები მკაფიო ინდივიდუალიზმი გამოარჩევს ფელიქს ვარლამიშვილის, ვარლას (1903-1986) შემოქმედებას. მხატვარმა შემოქმედებითი ცხოვრება, ძირითადად, პარიზში გაატარა. ნათელი კოლორიტი, წაგრძელებული ფორმები და მეთყველი სილუეტები მის სურათებს ლირიზმითა და სიმსუბუქით ავსებს.

აპოლონ ქუთათელაძე. ჩაის კრეფა. 1957 წ. ტილო, ზეთი. 201X100
აპოლონ ქუთათელაძე (1900-1972) ქართული საბჭოთა ხელოვნების ერთ-ერთი მნიშვნელოვანი წარმომადგენელია. ქართულ მხატვრობაში მან ერთ-ერთმა პირველმა დაამკვიდრა ბატალური და ისტორიულ-რევოლუციური ჟანრი. მისი სურათები საკმაოდ ემოციურია. აპოლონ ქუთათელაძე მრავალი წლის განმავლობაში, თბილისის სამხატვრო აკადემიის უცვლელი რექტორი იყო.

უჩა ჯაფარიძე. მარტოობის ძახილი. 1930 წ. მუყაო, ზეთი. 32X33
ქართული რეალისტური მხატვრობის მნიშვნელოვანი წარმომადგენელია უჩა ჯაფარიძე (1906-1988). მისი შემოქმედება თემატური და ჟანრული მრავალფეროვნებით ხასიათდება. ისტორიულ-რევოლუციური სურათები, პეიზაჟი, სოფლის სცენები, პორტრეტები მღალაი პროფესიული ოსტატობითაა შესრულებული.




დემეტრი ერისთავი. კლასობანა. 1958 წ. ქალაქი, პასტელი, ფერადი ფანქარი. 63X43,5



ალექსანდრე (შურა) ბანძელაძე. გიგელა. 1968 წ. ტილო, ზეთი.



ტენგიზ მირზაშვილი. პეიზაჟი, ტილო, ზეთი. 27X30



გურამ (ხიტა) ქუთათელაძე. გურიის პეიზაჟი. 1967 წ. ტილო, ზეთი. 75X150

რევაზ თარხან-მოურავი. ცერული. 1957 წ. ლინოგრაფიურა. 55,5X63



XX საუკუნის მეორე ნახევრის ქართული მხატვრობა

XX საუკუნის 30-იანი წლებიდან ქართულ კულტურასა და ხელოვნებაზე მნიშვნელოვნად ზემოქმედებდა საბჭოთა სა-ხელმწიფოს იდეოლოგია, რაც ხელოვნებაში სოციალისტური რეალიზმის პრინციპების დამკვიდრებაში და თემებისა და სიუჟეტების შერჩევაში გამოვლინდა. მხატვართა შემოქმედებაში ჩნდება რევო-ლუციური თემატიკა, სოფლისა და ქალაქის თანამედროვე ცხოვრების, მშენებლობისა და შრომის ამსახველი სურათები, იქმნება პეიზაჟები და პორტრეტები. ზოგიერთი მხატვრის შემოქმედება, მოექცა რა იდეო-ლოგიური გავლენის ქვეშ, საკმაოდ ერთფეროვანი გახდა. თუმცა, ათწლეულების განმავლობაში, კულტურის აგიტაციურ-პროპაგანდისტული ფორმების მომძლავრების მიუხედავად, ქართულ ხელოვნებას თვით-მყოფადი სახე არ დაუკარგავს და 1950-იანი წლების ბოლოდან, საბჭოთა კავშირში მიმდინარე ხრუშჩოვისდროინდელი „დათობის“ პროცესების ფონზე, ძალზე საინტერესოდ განვითარდა.

ედმონდ კალანდაძე. პეიზაჟი. მთები. 1976 წ. ტილო, ზეთი. 69X74



კიბსონ ხუნდაძე. შემოდგომა. 1988 წ. ტილო, ზეთი. 61X61,3



ლევან ცუცქირიძე. შეხვედრა. ილუსტრაცია მოთხრობისათვის „ხევისბერი გოჩა“. 1972 წ. შერეული ტექნიკა. 58X627

ქართული მხატვრობა, XX საუკუნის მეორე ნახევრიდან დღემდე, ძალზე საინტერესოდ ვითარდება. XX საუკუნის 50-იანელთა შემ-დგომ მოღვაწე მხატვართა შემოქმედება ინ-დივიდუალური ხელწერით, სტილური მრავალ-ფეროვნებითა და საინტერესო მხატვრული მიგნებებით გამოირჩევა. ქართულ მხატვრობაში მიმდინარე პროცესების მსოფლიო ხელოვნების კონტექსტში განხილვა საინტერესო დასკვნების გამოტანის შესაძლებლობას მოგვცემს, რაც შემდგომი კვლევისა და განხილვის საგანია.



ავთო ვარაზი. მოლოდინი. 1972 წ. 86X652

სიტყვის კონა

ავანგარდი – ტერმინი აღნიშნავს იმ ნამუშევრებს ან შემოქმედებს, რომლებიც ინოვაციური ან ექსპერიმენტული მეთოდებითა და გამომსახველობითი ფორმებით გამოირჩეოდნენ და საკუთარ დროს უსწრებდნენ.

ალეგორია – მხატვრული ხერხი, რომლის საშუალებითაც შესაძლებელია სხვადასხვა აზრისა თუ იდეის არაპირ-დაპირად, იგავურად, სიმბოლოების საშუალებით გამოხატვა; ასევე ზეციური სხეულების ან არსებების განსახიერება კონკრეტულ სახეებში.

ანტიოქია – ქრისტიანობის უმნიშვნელოვანესი ცენტრი ახლო აღმოსავლეთში, დღეს თურქეთის ტერიტორია – ანთაქია.

განედლებული ჯვარი – ჯვრის ერთი სახეობა, რომელსაც მცენარის ყლორტები აქვს შესხმული, რაც სიმბოლურად გოლგოთის ჯვარს განასახიერებს, იესო ქრისტეს წამების შემდეგ რომ აყვავდა.

გრადაცია – თანამიმდევრული, თანდათანობითი გადასვლა ერთი ფორმიდან მეორეში; მხატვრობაში ერთი ფერის თანდათანობით გაღიაგება ან გამუქება, რასაც ფერადოვანი გრადაცია ეწოდება.

გულანი – ლიტურგიკულ კრებულთა ნაკრები, რომელიც ყველა სახის მღვდელმსახურების დროს გამოიყენება. მსგავსი კრებულები მეთექვსმეტე საუკუნემდე არ არსებობდა.

დაზგური მხატვრობა – დაზგური ეწოდება სურათებს, რომელთაც დამოუკიდებელი მნიშვნელობა აქვთ. მხატვარი მუშაობს ტილოზე, რომელიც გადაჭიმულია ჩარჩოზე, ან მუყაოზე, ფურცელზე და სხვა მასალაზე საღებავებით, ფანქრით, ტუშით, ნახშირით და ა. შ. სურათისათვის შერჩეული მასალა დამაგრებულია მოღბერტზე, რომელ-საც შეიძლება მხატვრის დაზგა გუწოდოთ. აქედან მომდინარეობს სახელწოდებაც – „დაზგური ფერწერა“.

დეისუსი – ხატი, რომელზეც ცენტრში ქრისტე პანტოკრატორის (ყოვლისმპყრობელი – ზის ტახტზე მაკურთხებელი მარჯვენით და წიგნით მარცხენა ხელში) გამოსახულებაა, მარჯვნივ – იოანე ნათლისმცემელი, ხოლო მარცხნივ კი – ღვთისმშობელი ვედრების პოზაში.

დიონისე – მევენახეობისა და მეღვინეობის მფარველი ღვთაება ბერძნულ მითოლოგიაში.

ეგვტერი – ეკლესიაზე მიშენებული მცირე სამლოცველო.

ელეუსა – (მოწყალე, მოალერსე) ღვთისმშობლისა და ყრმის გამოსახულების ერთ-ერთი ტიპია. ღვთისმშობელს

მუხლებზე უზის ყრმა იესო ქრისტე, რომელიც ლოყით ეალერსება დედას.

ელინიზმი – ეპოქა, რომელიც გარკვეულ ისტორიულ პერიოდს – ალექსანდრე მაკედონელის გარდაცვალებიდან (ძვ. წ. 323 წ.) რომაელების მიერ აღმოსავლეთ ხმელთაშუა ზღვისპირეთის უკანასკნელი დიდი სახელმწიფოს პტოლემეების ეგვიპტის დაპყრობამდე (ძვ. წ. 30 წ.) – მოიცავს. ელინიზმის ეპოქის ძირითადი თავისებურებაა ბერძნული ენისა და კულტურის გავრცელება ალექსანდრე მაკედონელის მიერ დაპყრობილ ქვეყნებში, ასევე, ბერძნული და აღმოსავლური, კერძოდ, სპარსული კულტურების თავისებურებათა შერწყმა.

ენკაუსტიკა – ცვილოვანი საღებავით გამოსახულების შექმნის მხატვრული ტექნიკა.

ექსპრესიონიზმი – მიმდინარეობა ხელოვნებაში, რომლის წარმომადგენლები ცდილობენ, გამოსახონ ემოციათა სუბიექტური სამყარო და არა არსებული რეალობა. ემოციური ეფექტი მიიღწევა ფორმათა უტრირებით. ექსპრესიონიზმი განვითარდა XX საუკუნის დასაწყისის გერმანულ ხელოვნებაში.

იერატიკული პოზა – პერსონაჟის განზოგადებული ხასიათის გამოსახულება პირობით, არაბუნებრივ, მკაცრ და ფრონტალურ პოზაში, ყოველგვარი კონკრეტული განწყობილების გარეშე.

იკონოგრაფია – სახვით ხელოვნებაში მკაცრად დადგენილი სისტემა პერსონაჟების ან სიუჟეტური სცენების გამოსახვისას (უმეტესად საეკლესიო მხატვრობაში).

იმპრესიონიზმი – მხატვრული მიმდინარეობა ხელოვნებაში, რომელიც საფრანგეთში 1860-იან წლებში ჩაისახა და დიდი გავლენა მოახდინა ავან-გარდულ ხელოვნებაზე ევროპასა და სხვა ქვეყნებში. იმპრესიონისტები დაინტერესებული იყვნენ წამიერი ვიზუა-ლური ეფექტების, განსაკუთრებით, სხვადასხვაგვარი განათების ზემოქმედების შედეგად ფერის ცვალებადობის ასახვით.

კამარა – ნახევარწრიული (ცილინდრული, ხანაც შეისრული) ფორმის ჭერი (გადახურვა).

კონსტრუქტივიზმი – მხატვრული მიმდინარეობა, რომელიც რუსეთში დაახლოებით 1914 წელს წარმოიშვა და სანარმოო მასალების (მაგ., მინისა და ლითონის) დეტალებით აბსტრაქციული კომპოზიციის შექმნას გულისხმობდა.

კონქი – შენობის (ნაგებობის) ნახევარწრიული არქი-ტექტურული ფორმის გადახურვა, რომელსაც მეოთხედი სფეროს ფორმა აქვს.

ლოკალური ფერი – გაუზავებელი, ერთფეროვანი ლაქა, ყოველგვარი გადასვლებისა და გრადაციის გარეშე.

მინიატიურა – შუა საუკენეების ხელნაწერი წიგნის გასაფორმებლად შექმნილი მცირე ზომის სურათები.

მოდერნი – XIX საუკუნის ბოლოს და XX საუკუნის პირველ ათწლეულებში ევროპასა და აშშ-ში პოპულარული დეკორატიული სტილი. იგი ხასიათდებოდა ტალღოვანი გამოსახულებებით, რომლებსაც საფუძვლად მცენარეული ფორმები დაედო.

მოდერნიზმი (არ ნუვო) – ზოგადი ტერმინი იმ რწმენებისა და დამოკიდებულებების აღსანიშნავად, რომლებიც, დაახლოებით, 1900 წლიდან საფუძვლად დაედო ხელოვნების რადიკალურ მიმართულებებს.

მონუმენტური მხატვრობა – მხატვრობა არქიტექტურული ნაგებობის კედლებზე.

მუშამბა – წყალგაუმტარი ქსოვილი.

ნარტექსი – ქრისტიანული ტაძრის შესასვლელი ნაწილი, რომელიც მას აკრავს, ჩვეულებრივ, დასავლეთის მხრიდან.

ნიკოპეა – (გამარჯვების მბოძებელი) ღვთისმშობლისა და ყრმის გამოსახულების ერთ-ერთი ტიპია, ბიზანტიური წარმოშობის. ღვთისმშობლის მკერდთან ყრმა იესო ქრისტეა გამოსახული.

ოდიგიტრია – (გზის მაჩვენებელი) ღვთისმშობლისა და ყრმის გამოსახულების ერთ-ერთი ტიპია. ღვთისმშობელს მარცხენა ხელზე უზის ყრმა იესო ქრისტე, რომელიც მარჯვენით აკურთხებს და მარცხენა ხელით კი გრაგნილი უჭირავს. ღვთისმშობელი მარჯვენა ხელით მიუთითებს უფალზე.

საზედაო ასო – ხელნაწერ წიგნებში ყოველი აბზაცის პირველი ასო, რომელიც დიდი ზომითა და ხშირად დეკორატიული გაფორმებით გამოირჩევა ტექსტში.

სერაფიმი – ექვსფრთიანი ანგელოზი, რომელიც ორი ზედა ფრთით სახეს, ხოლო ორი ქვედა ფრთით ფეხებს იფარავს, შუა ორი ფრთით დაფრინავს და უფლის ნებას აღასრულებს, თან დაუსრულებლად გალობს „წმინდა არს, წმინდა არს, წმინდა არს უფალი საბაოთ! საგსე არს ყოველი ქვეყანა დიდებითა მისითა!“

სვინაქსარი – ღვთისმსახურების წიგნი, რომელშიც თავმოყრილია მართლმადიდებელ წმინდანთა, მათ შორის, ქართველ წმინდანთა ცხოვრებისა და წამების ეპიზოდები.

სიმბოლიზმი – მიმდინარეობა სახვით ხელოვნებასა და ლიტერატურაში, რომელიც ევროპაში XIX საუკუნის დასასრულსა და XX საუკუნის დასაწყისში განვითარდა. მისი მიმდევრები უარს ამბობდნენ რეალიზმისა და

იმპრესიონიზმის ნატურალისტურ იდეალებზე და უპირა-ტესობას ანიჭებდნენ მისტიკური იდეების ზეგავლენით დანახული სამყაროს სუბიექტურ, პოეტურ განსახიერებას.

სოციალისტური რეალიზმი – საბჭოთა კავშირში (შესაბამისად, სხვა კომუნისტურ ქვეყნებშიც) კომუნისტური პარტიის მიერ ოფიციალურად მხარდაჭერილი მიმართულება ხელოვნებაში. სოციალისტური რეალიზმი განადიდებდა სსრკ-ის კულტურულ და ტექნოლოგიურ მიღწევებს სტერეოტიპული სტილით, რომელიც ემორჩილებოდა სახელმწიფოს რეპრესიულ კონტროლს. მისი თემატიკა მოიცავდა ინდუსტრიულ და ურბანისტულ (ქალაქის) პეიზაჟებს და სცენებს კოლმეურნეობების ყოველდღიური შრომითი ცხოვრებიდან.

ტეტრამორფი (ქერუბიმი) – ოთხი მახარებლის სიმბოლური გამოსახულება, ოთხფრთიანი არსება, ყოველ ფრთასთან თითო მახარებლის – მათეს (ანგელოზი), მარკოზის (ლომი), ლუკასა (ხარის) და იოანეს (არწივი) სიმბოლური გამოსახულებებით. დაკავშირებულია ძველ აღთქმაში ეზეკიელის ხილვასთან, ფრთები და სხეული მთლიანად თვალების გამოსახულებებით აქვს დაფარული და ბორბლებიან ცეცხლოვან ეტლზე დგას. შეიძლება გავაიგივოთ ქერუბიმთან.


ტექტონიკა – შენობის ნაწილების, ურთიერთგანლაგებისა და მისი ფორმების, პროპორციების შეფარდების თავისებურებანი; კედლის მხატვრობაში არქიტექტურულ მონაკვეთებთან გამოსახულებების მისადაგების მხატვრული ხერხი.

ტიმპანი – კარის თავზე ნახევარწრიული არე.

ფოგიზმი – ადრეული XX საუკუნის მხატვრული მიმდინარეობა, რომელსაც ახასიათებდა მკვეთრი ფერების არანატურალისტურად გამოყენება. ეს მიმდინარეობა პარიზში ძალიან სწრაფად და ხანმოკლე პერიოდით (1905 -1907 წწ.) განვითარდა. თავად ტერმინი 1905 წელს წარმოიშვა ფრანგული სიტყვიდან, რომელიც „ველურს“ ნიშნავს. მისი ავტორია კრიტიკოსი ლუი ვოკსელი.

ფრესკა – სველ ბათქაშზე წყლის საღებავებით გამოსახულების შექმნის ტექნიკა. გაშრობის შემდეგ საღებავი იმდენად მყარად ჯდება მობათქაშებულ ზედაპირზე, რომ გამოსახულება, ფაქტობრივად, კედლისა თუ ჭერის ორგანული ნაწილი ხდება. ტერმინი „ფრესკა“ წარმოიშვა იტალიური სიტყვისგან „ახალი“, რადგან ფრესკა ახალმობათქაშებულ ზედაპირზე იქმნებოდა.

ფრონტალური გამოსახულება – გამოსახულება, რომელიც შექმნილია, რათა მაყურებელმა წინა მხრიდან აღიქვას, მაგალითად, ადამიანის გამოსახულება წინიდან, ყოველგვარი ბრუნის გარეშე, მკაცრად ანფასში.



გამოყენებული მასალები

ფოტომასალა

საქართველოს ეროვნული მუზეუმის კოლექციებიდან; ხელოვნების სასახლის საცავებიდან; საქართველოს პარლამენტის ეროვნული ბიბლიოთეკიდან; სერგო ქობულაძის სახელობის ხელოვნების ძეგლთა ფიქსაციის ლაბორატორიის ფონდიდან; ხელნაწერთა ეროვნული ცენტრიდან.

ნიკოლოზ ვაჩიშვილის, გიორგი გაგოშიძის, ზაზა სხირტლაძის, მირიან კილაძის, ივანე გოლიაძის, ირინე გივიაშვილის, ვატო ვარაზის, ქეთევან ბოკერიას, ლეონიდ კრეიდლინის, კონსტანტინე იანტებელიძის, ჯაბა სამუშიას კერძო კოლექციებიდან.

ლიტერატურა

- გ. აბრამიშვილი. ერთი ეროვნული იკონოგრაფიული პროგრამის ორი რედაქცია. თბილისი. 1995
- თ. ვირსალაძე. ატენის სიონის მოხატულობა. ალბომი. თბილისი. 1984
- თ. საყვარელიძე, გ. ალიბეგაშვილი. ქართული ჭედური და ფერწერული ხატები. თბილისი. 1980
- ზ. სხირტლაძე. ადრეული შუა საუკუნეების ქართული კედლის მხატვრობა: თელოვანის ჯვარპატიოსანი. თბილისი. 2008
- შუა საუკუნეების ქართული საეკლესიო ხელოვნება საქართველოს ეროვნულ მუზეუმში. თბილისი. 2012
- Arsenishvili I. Georgian Easel Painting (Second half of 18th century to the 1920th). Nova. New-York. 2009
- Аладашвили Н., Алибегашвили Г., Вольская А. Живописная Школа Сванети. Тбилиси. 1983
- Алибегашвили Г. Светский портрет в Грузинской средневековой монументальной живописи. Тбилиси. 1979
- Амиранашвили Ш. История Грузинской Монументальной Живописи. Тбилиси. 1957
- Беридзе В., Езерская Н. Искусство советской Грузии 1921-1970. Изд-во: М.: Советский художник, 1975
- Вирсаладзе Т. Основные Этапы Развития Грузинской Средневековой Монументальной Живописи. Тбилиси. 1977
- Вольская А. Росписи средневековых трапезных Грузии. Тбилиси. 1974
- Шевякова Т. Монументальная Живопись Раннего Средневековья Грузии . Тбилиси. 1983
- Шмерлинг Р. Художественное оформление грузинской рукописной книги IX-XI вв. Тбилиси. 1978
- Чубинашвили Г. Грузинское искусство VIII-IX вв. 1943